


BIBLIOTEKA

Zakl. Nar. im. Ossolińskich


XVII

3449











*Handwritten text, possibly a signature or initials, located in the upper right quadrant of the page.*

*Handwritten text, possibly a signature or initials, located in the lower right quadrant of the page.*



STANISLAI  
ORICHOVII  
ROXOLANI  
FIDELIS SVBDITVS

Sive

DE INSTITVTIONE REGIA  
AD SIGISMVNDVM AVGVSTVM

Libri duo.

*Exemplum Cameraliensi erone monte argentini ad*



*Cracovian*  
11.756

Primo Cracoviae A. Dñi. M. D. LXXXIII.

POSTEA LEOPOLI

In Officina Typ: Ioannis Szeligæ, ARCHIEPISCO  
PALIS Typographi. Anno Dñi. 1632.





STANISLAJ

ORICHON VII

ROKOLANI

FIDELIS SARDIVVS



DE INSTITVTIONE REGIA  
AD SERRAVALLIENSIVM

XVII - 3449 - II  
L. M. G. G.



11.50

anno CXXXIII. A. D. M. DLXXXIII.

POSTRA LEOPOLI

In Officina Typographica, A. ROTH, 1830.  
Typographi Anno Dni. 1830.

AD SE



# A D S E R E N I S S I M V M

R E C E M P O L O N I A E ,

S T E P H A N V M B A T H O R R H E V M

In Fidelem Subditum.

I A C O B I G O R S C Y I P R A E F A T I O .



RINCEPS ILLE HETRVR  
riae Mœcenas, à quo eruditorum virorū  
literarumq; patroni, Mœcenates, pro  
uerbiali sermone appellantur, Serenissi  
me Rex Stephane, Casari Octauiano, qui  
à Senatu Augustus appellatus est, rerum  
potito, & de summa imperij deliberanti, & Rempub. vt  
cum Agrippa suadebat, Senatui & populo Romano redde  
re volenti, vt, quod ipse imperium tot, tantisq; bellis, ma  
gno cum labore, plurimisq; & suis, & suorum periculis libe  
rasset, atq; ab interitu vindicasset, perpetuò retineret, au  
thor fuit idq; ei splendida sanè & copiosa oratione suasis  
quod rem Romanā, alia ratione nequaquam subsistere pos  
se cerneret: propterea quod prudens ille vir, nunquam de  
fuit irros in tanto imperio videret, qui vel ambitione impe  
randi, ad seditiones excitandas, incitarentur, vel odio ad  
uersariorum & vlciscendi cupiditate, victores ad arma ra  
perentur, qui bella è bellis sererent, ac in malum Reipub.  
& disertis & strenuis essent. Cui morbo quoniam nulla alia  
medicina mederi posse videretur, praterquam si vnus totis  
us imperij potestatem haberet; eam potestatem, vt ipse Cæ



far, qui tot, tantaq; bella pro patria gesserit, qui orbi terrarum pacem reddiderit, ut retineret, hortatus est. Cuius consilium, cum Augustus approbasset, & semel acceptum imperium, retenturum se promississet, & rationes tanti imperij, ab vno gubernandi demonstrari sibi postularet; Mœcenas pro suo, & erga, Cæsarem amicum, singulari, & erga patriam amore communi, ea consilia & rationes Reipub. constituendæ illi demonstraui; ut in ea eius Monarchia, nemo libertatem eam, in qua natus esset, desideraret & ille optimi principis & patris patriæ cognomentum consequeretur. Inter quæ quidem Mœcenatis consilia, quæ Augusto dederat, illud etiam erat; ne cuiquam facultatem se adeundi, consiliumq; ei aliqua in re dare volenti denegaret. Cuius consilii eam rationem reddebat. Quod, si verba eius, qui consilium daturus venires, satis sibi facerent ac consilium illud utile videretur; magnum fructum, non exiguamq; vtilitatem inde caperet; sin verò leue esset; iacturam tamen ille nullam inde sentiret. Et propterea monebat, ut & bene consulentem honore afficeret, & eum, qui minus aptè diceret, non reprehenderet; quod mens cuiusq; in consilio dando, non euentus rerum spectandi sint. Cuius rei Demosthenes etiam ille omnium Græcorum summus Orator suos Athenienses monere solebat, omnibusq; consulendi de Reipub. potestatem dandam esse suadebat; ut e multorum multis consiliis, quod optimum esset, deligendi facultas ciuitati esset. Et equidem sæpè sit, ut qui videre nihil videantur, eos optimè pro tempore consulere videamus, & quod maximis viris in mentem cogitare non veniat, à vulgi aliquo depromatur, adeo, ut & cerdo aliquando, loqui opportunè, prouerbio satis trito, dicatur. Quod Mœcenas, cum sæpè fieri accidere non ignoraret, inter cæ



tera gubernandi Imperii consilia recta, Cæsari hoc ipsum  
 suadebat; ut facultatem cuiq; ad se accedendi, & verba  
 apud se faciendi, daret. Quod equidem Serenissime Rex  
 Stephane, ut tu item facias, exhortari te non est opus;  
 sponte tua id facis; omnibus te facilem præbes; nemini  
 nostrum potestatem te ad eundi, & verba apud te liberè fa-  
 ciendi, denegas. Augustum alterum te principem experi-  
 mur: nec sanctiorem, nec benigniorem vnquam in hoc re-  
 gno Regem cognouimus. Duas plurimùm à se distantes  
 virtutes in te admiramur; sæueritatem, & comitatem. Sæ-  
 ueritas tua, & grauitas, imperio digna, ut te veneremur;  
 comitas ut amemus, facit. Sæueritas enim cum grauitate,  
 vitæq; sanctitate, Maiestatem Principum sustentat; Co-  
 mitas, atq; humanitas, amoris parentes sunt, quas quidem  
 virtutes, qui coniunxerit, ac in præsidium aduocauerit  
 princeps; optimè imperio suo consulit, seq; securum om-  
 nes in partes reddit. Nam ut sæueritas contemni, ac negli-  
 gisse non patitur; ita comitas, atq; benignitas omnes in sui  
 amorem rapit, amicosq; efficit. Quibus virtutibus, quòd  
 te serenissime Rex munieris, easq; Regni tui comites tibi  
 adsciueris; firma præsidia tibi adhibuisti. His præsidis mu-  
 nitus, & hostilem animum frangis; & tuorum Ciatum,  
 summum amorem erga te excitas. Hoc idem Augustus Cæ-  
 sar fecit: hæc eadem præsidia, retento imperio, sibi adsci-  
 uit; atq; id effecit, ut nemo illi aduersari auderet, omnes  
 parerent, omnes amarent. His artibus ille, & hostes repri-  
 mebat, & ciues in officio continebat, & inimicos, ut amici  
 essent, efficiebat; Et ita in omnibus præfesset, ut tamen vnus  
 ex omnibus esse videretur. Hoc quoniam tibi Serenissime  
 Rex contigit, quoniam eadem ipsas artes, ad gubernan-  
 dum hoc Regnum attulisti; & tibi multum gratulamur, &



nobis gaudemus, conditionemq; nostram laudamus, De  
 oq; gratias agimus, qui nobis, tantistamq; præclaris virtu-  
 tibus instructum Regem dederit. Quod equidem ego à pri-  
 mò tuo in hoc Regnum Ingressu, cum semper sentirem,  
 publiceq; apud omnes, & voce, & scriptis (atq; haud scio  
 an, an non etiam vsq; ad inuidiam) restari solitus essem;  
 Tum verò, vt nunc, hoc cum maiore fiducia, & animo præ-  
 sentiore faciam, huius quem in cōsultum Serenitatis vestræ  
 adduco, Stanislai Orichouii Roxolani, viri, in hoc Regno,  
 cum ob nobilitatem, splendoremq; generis, tum verò ob  
 ingenii magnitudinem, eruditionis copiam, & dicendi vim  
 Demosteneā, celeberrimū, autoritas me cōfirmavit. Cum  
 enim, inter cætera eius scripta, quæ ille, vel excussa, atq; in  
 publicum data, vel domi pressa, amicisq; tantum cōmuni-  
 cata reliquit, eum librum, in quo Regem Regno vtillem  
 informat, ac quibus artibus regnum, apud Regem Sigis-  
 mundum Augustum, gubernandū fuerit, dissevit, quemq;  
 librum ille, Fidelem Subditum, siue De institutione Regia  
 inscripsit, reuoluo; Inueni planè omnes illas virtutes, o-  
 mnes illas artes, quibus Regem optimum, instructum, ad  
 gubernacula accedentem, institutum, & instructum oportere  
 ille voluit, in te, Serenissime Rex Stephane, non solum  
 lucerè, verùm etiam elucère, contraq; nullius eius vitii,  
 quod Regem vitare suadeat, ne vestigium quidem ap-  
 perere. Vt equidem, dum Orichouius, quem animo con-  
 ceperat principem, quasi vero colore dicendi sua copia de-  
 pingeret, natura, te talem conformare Regem voluisse,  
 credam. Vt quod Orichouius verbis, illa re ipsa effingeret,  
 optimiq; Regis te viuum exemplum nobis proponeret;  
 & idèam illam, quam animo comprehensam egregii Regis  
 Orichouius teneret; in te inclusam, & ad viuum expressam



oculis nostris subiiceret. Quod si Orichonius hanc illam  
 ideam optimi principis in te re ipsa cerneret; quantum ex  
 clamaret? quas ille Deo gratias ageret? quod, quam ille  
 animo formam boni principis concepisset, re ipsa te talem  
 Regem suum contueretur. Ac si illi de Regis officio deta-  
 ceptus differendum esset, te nobis exemplum eius, omnibus  
 numeris absolutum, monstraret ac neq; Xenophontem  
 in suo Cyro eam formam optimi principis expressisse, quam  
 in te reluceat expressa, diceret. Viveres Orichonius, viues  
 res: non tibi nunc materia scribendi, non virtutes, resq;  
 praclare gestae, tua illa divina dicendi facultate celebra-  
 da, deesset. Solebat, Serenissime Rex, Orichonius, &  
 virtutes insignes admirari, & vicia acerrimè impugnare,  
 liberè apud principes viros de officio cuiusq; & de Reipub.  
 differerebat. Magnus hic vir libertatis Polonorum propu-  
 gnator erat, officiiq; ab omni ordine diligens exactor.  
 Quod cum multa eius scripta, tum verò hic, cum quo ad te  
 Serenissime Rex venio, fidelis subditus (cui, ut facultar-  
 tem apud te, sua explicanti consilia Regni huius gubernan-  
 di, ut soles, benignè praestes, cum ipso Morcenate rogo)  
 clarè demonstrat: & equidem ab hoc multi de libertate Reipub.  
 disputare liberius didicerunt: in qua tuenda tamen  
 Orichonius, modum tenendum esse voluit. Solebat enim  
 ille, illud Poetae saepè usurpare:

*Est modus in rebus, sunt certi denique fines,*

*Quos citra, ultraque nequit consistere rectum.*

Vera igitur illa & legitima, omnibus communis & par li-  
 bertas ab eo defendebatur; non in vno ordine, non intra  
 paucorum domos eam concludebat; totius Regni posse-  
 sionem illi tribuebat; inter omnes omnium ordinum ho-  
 mines defusam esse volebat; quod quam verè dicam, si

delis



delis hic subditus, quem ad te Serenissime Rex mitto, satis luculenter demonstrabit. Cuius fidelis subditi, si Maiestas tua consilia probauerit, secutaq; fuerit, & facultatem ei apud te de libertate nostra, de officio & Regis & subditorum differenti largita fuerit; & quis vir Orichouius fuerit, & quam libertatem defenderit, qualem Regem esse cuperet, quæ officia ab omnibus omnium ordinum hominibus requirat, facile perspicias; magnumq; fructum inde referes, & maximam voluptatem inde capies; quod eam rationem, quam ille in suo Rege Augusto, gubernandi Regni huius, exposceret, tua sponte ingressus fueris; hominibusq; illi, qui omnibus, in omni genere consiliorum satis faciebat, satis feceris. Non dubito equidem Serenissime Rex, non defuturos, qui meum consilium huius edendi libri, Maiestatisq; tuæ dicandi, reprehendant; studiumq; meum, & amorem ardentem erga te, & perpetuam Maiestatis tuæ obseruantiam, ambitionem appellent; ea siquidem omnium meorum studiorum ratio est; ut nusquam illis æmula inuidia desit: me tamen hoc malum, quod toties calcaui, quodq; me ad maiora animo complectenda semper excitaret, nihil mouet. Amaui Orichouium me amantem, & scripta sua ad me, posteaquam ab errore, in quem lapsus fuit, ad Ecclesiam redierat, semper allegantem: incendor desiderio & amore Maiestatis vestræ, Domini mei clementissimi; & Orichouium igitur in tuum consilium venire, & te Serenissime Rex eius consilio uti cupiebam: propter ea, quæ in hoc fideli subdito continentur, commoda. Nihil vnquam Serenissime Rex prætermittam, quod vel commodis, vel ornamentis Sacræ Maiest. vestræ inseruire, vel ad salutem Reipub. libertatemq; veram tuendam, quam maiores mei, sanguine suo partam, mihi vnâ cum ceteris

parem,



PRAEFATIO.

7.

parem, hæreditariâq; reliquerunt, pertinere videro, Neq; cuiusquam minas tam extimesco, vt ab officio meo. & ab ea obseruantia, quam Maiestati tuæ, Regi meo debeam, discedam; & quem locum colendi, obseruandi, & amandi tui, Regis mei, fidelis subditus semel occupauit, deseram. Quod studium meum, amoremq; erga se, vt Maiestas vestra æqui & boni consulat, Orichoniumq; nostrum, de Regni nostri rationibus differentem, & quæ ratio libertatis nostræ in hoc Regno ante te Regem fuerit, demonstrantem, ea benignitate, qua omnium bonorum consilia excipis, audias, etiam atq; etiam rogo; ac omnia fausta Sacre Maiestati vestræ, à Deo patre misericordiarum, cuius bonitate te Regem habemus, opto.

B

TETRA.





# TE TRASTICHON

cuiusdam , ad Scriptorem.

Scriptor cur hæc non celas ? Quoniam esse fidelis  
 Cœpi. Cur olim non ? Sycophanta fui.  
 Vera loqui puduit ? Magis ab mendacia profunt  
 Præmia quæ veri ? Furca , flagella , neces.





IN FIDELIEM SVBDITVM

STANISLAI  
ORICHOVII ROXOLANIAD SIGISMVNDVM AVGVSTVM  
POLONIAE REGEM.

## Præfatio.



VM IN RVSSIAM CVN-  
 Sta modò influeret Scythia, metuq;  
 hostili conuellerentur hîc apud nos  
 omnia; re ipsa coactus, ad te misi  
 ea nominatim, quæ compresso no-  
 mine dudum edideram. Cùm enim propositi an-  
 niuersario hosti in Russia essemus, adductus sum  
 aliquot ab hinc annis, partim fide erga te mea,  
 partim verò charitate patriæ; vt tibi designato  
 cùm primùm Regi ea proponerem, quibus tu pa-  
 tri succedens, vti posses pro salute nostra. Neq;  
 verò à me id arroganter factum existimari debet,  
 arrogantia enim ibi locus non est, vbi ipsius autho-  
 ris ratio nulla est; sed cùm in metu seruitutis & nos

*Tartari  
 anniuersa-  
 ria cala-  
 mitas Russi-  
 sis.*

*Causa scri-  
 bendi fide-  
 lis subditi*



assiduè versaremur, & tu propugnator Sarmatiae  
 designatus nobis esses; de sūmorum Philosophorū  
 sententia ostenderātibi, cōmuni fidelis subditi no-  
 mine, qualē te Regē esse à pueritia conueniret; si  
 & Rursiam seruiture liberare, & communem regni  
 tui libertatem praestare velles; vt hoc nomine nul-  
 lam aliam gratiam abs te inirem, praeter eam, quae  
 à bono Rege, subdito debetur fideli. Verū enim  
 uerò metus praesentis mali coëgit me, vt eadem mit-  
 terem ad te denuò, non iam communi, sed proprio  
 meo nomine; vt nomen ipsum admoneret te, quo  
 loco, quantòq; nunc simus in periculo. Es tu qui-  
 dem ab auis, ac proavis Sarmatiae Rex; sed tamen  
 pro generis ac nominis tui amplitudine, nullum a-  
 liud munus, neque maius omninò, neque te Rege  
 dignius à tuis expectabis; quam vt ab iis certior fi-  
 as; cuiusmodi te Regem sibi vellint esse: quid desis-  
 derent in te: quid requirant à te: quouè totum ve-  
 lint propendere te. Neque enim in eo posita sunt  
 tibi omnia, quòd Rex à Polonis appellatus es; sed,  
 quòd secundum hoc nomen regnas, in eo summa  
 est tibi rei: alterum enim horum, benevolentiae est  
 subditorum tuorum; alterum verò virtutis atq; praes-  
 tantiae Regiae: quae quantò praeceteris rebus om-  
 nibus excellentior est, tantò ad eam aditus expedi-



tior est iis, qui animo sunt excello, ac vitiis libero. Quomodo enim quæso is, in quem tanquã in imã voraginem coetus vitiorum omnium concessit. Regium tuebitur nomen? cùm in res plenas perturbationũ atq; metus inciderit? aut quomodo rebus dubiis consilio; desperatis verò præsentis animo, ad esse poterit heluo ac lurco? prius peste atq; vastitate cuncta interibunt; quã is opem tulerit Rex, diademate nomen Regium metiens, non virtute. Quòd si exemplis hoc, quã sit verum, perspici debet; præsens calamitas nostra exempli satis est ad omnes tales casus. Afflicti sumus, ferro, atq; igni penè deleti. Oramus te cuncti, vt nobis adsis, nostramq; calamitatẽ pro materia tibi oblatã putes esse; in qua non tam nomen tuũ, quã virtutẽ tuã Regiam sentiamus. Est in te summa præstantissimaq; dignitas: est genus Iagellonum inuidum, ac victoriosum: sunt exempla patris viua atque recentia: fac quæso, animus quoque in te appareat, & patre, & genere, & isto loco dignus. quòd si qua in re ab his discrepaueris, parumne documento nobis erit, pessimè cum iis agi, quibus fato Reges nascuntur, atque casu fiunt? Atqui nos hæc tam enixe ideò ad te scribimus, quòd metuimus, ne captiuo hinc in Scythiã abducamur postridiẽ. Quòd si acciderit,

*Regnare bene Regis proprium.*

*Rex vitis dedit officio suo vtinequit*

*Pericula Regni materia sunt regis virtutis illud Brandæ.*

*Quid me tuat scriptor.*

ciderit,



*Quærela  
captinorū*

ciderit, satisne nobis erit ad consolandam seruitutem quod tu Regis filius atque ipse Rex nos amiseris? Equidem non arbitror: viram libertas nostra requirit ut sit salua, non titulum Regis. Quære nunc ab iis, qui ex Russia captiui in Scythiam modò sunt ducti, quem accusent? cuius fidem implorent? de quo sublatis in coelum manibus, eiulatu diurno atque nocturno quærantur? De te utique; ó Rex: quod te videlicet viuentem Cracouiae, illi miserè perierint in Russia. Ad quomodo perierint; sine lachrymis hoc dici non potest. Defendente nemine, propugnante nemine, incensa sunt oppida: expugnatae munitiones: capti, ac caesi multi Illustres viri: infantes iugulati: caesa anus: ante ora patrú violatae puellae: constupratae ante virorum conspectum matronae: abducta iuuentus: cum qua instrumentum, pecus atque labor omnis interiit rusticus: solus in agris atque coloniis nostris multus habitat nunc horror atque moeror. Et nisi Ioannis Tharnouij imperatoris diuina atque incredibilis virtus obstitisset, Scythiamque ferro atque igni grassantem repressisset; amplissimam illam opulentissimamque Russiam videres nunc totam in fauilla ac cinere. Verum cum Ioannes Tharnouius natus huic regno conseruando imperator, nihil ad celeritatem sibi reliqui fecit

set,



set, quantumq; ex fuga potuit, militem colleisset, desperatis iam rebus nostris incredibili celeritate salutem attulit, Russiamque ex faucibus lethi ereptam, afflictam licet, tibi conseruauit, vt haberes quod curares, quoduē restitueres. Quibus malis atq; in commodis, vt quāmpriūm occuras, nō ne memor paternae atq; auitae virtutis, Cracouiam illecebram adolescentiae tuae, quāmpriūm relinques? & te in Russiam conferes? vt eam restituas, eiūque reliquias conserues, quas tibi feci reliquias hostile ferum? quod nescio, an tibi faciliē factū fuerit, nisi talibus praēceptis atque institutis Philosophiae abundaueris, quae complent ac perficiunt magni regis mentem. Nisi enim ex huiusmodi praēceptis conceperis robur animo; & nisi te Regem esse quasi Philosophum quēdam, nō sub tecto sed sub dio habitantem, cum animo tuo statueris; fletum hunc praesentē ab oculis nostris nunquam absterges. Et quoniam tibi sūmis rebus occupato, ad ea in vestiganda tēpus deest, quae in ipsius Philosophiae recessu posita ad bene gubernandam Rempub. valent plurimū; dedimus operam, vt ea deprōpta ad te in praēceptis monitisq; mitteremus: si non omnia, ad praecipua certē quidem. Ita q; Fidelem Subditum, natum domi nostrae annis ab hinc sex, co-

*Quibus malis atq; que in commodis quāmpriūm occurrendum.*

*Philosophiae praēcepta Regi necessaria.*

piofiore





*Libri duo  
fidelis sub  
diti.*

*Voces au  
licæ.*

piofiozem aliquantò, quàm dudum, ad te cum talibus præceptis publicè mittimus: quem vt studio sè cumulatam reddam, addidi & alterum quasi prioris comitem, ac penè germanum, quem defuncto iam patre tuo nuper confeci tibi; quibus vtrisque Philosophiæ ipsius præscripto, quasi circino quodam circûscripta est tua omnis regia vita, rebus vtrique & exemplis ad nostram consuetudinè aptis. Nec verò sum nescius, nò defuturos Gnatonos aulicos, qui aucupû similes, voce ad simulata, vos Reges captant, ac ita dicunt: Quid hic sibi vult monitor odiosus Regum? qui is? aut vnde? Quibus ego respondeo: Principiò, vt interea medijs in delicijs quiescant, ac ventri & petulantia suæ apud vos Reges studeant, nobis verò molesti non sint; dum nos te Regem nostrum veris ac fidelibus monitis ad salutem cõmunem tutandam exhortamur: Deinde, isti discant aliquando eam rationè Regum esse; vt nemo illorû rectè possit imperare aliis, nisi ipse prius parère rectè monèribus didicerit: Postremò, tu inuitis hisce aulicis ita statues, Reges non debere esse apum similes, quæ curatores suos pungunt, eo præsertim tempore, quo cum regno ipsæ pereunt. Proinde auertes te quidem à nomine nostro: quis est enim filius Orichouij, vt fiat monitor Regis? sed



ea tamen, quæ deprompta tibi mittuntur ex ipsius  
 Philosophiæ vestræ Regiæ penetralibus, sine qua  
 vir bonus, ac sapiens Rex nemo potest esse, grato  
 ac iucūdo animo, à me fideli tuo subdito excipies;  
 non quia à me missa sunt; sed quia præclara ac verè  
 Regia videntur esse, suntq; cognitione tua dignis-  
 sima: eaq; sic leges, ac ad salutem nostram accō-  
 modabis; vt te aureum matris tuæ partū dicamus,  
 nostræq; patriæ diuino munere tam necessario tem-  
 pore natum iudicemus. Quorum alterum pertinet  
 ad nominis tui gloriam sempiternam; alterum  
 verò ad leniendum moerorem ac luctum no-  
 strum præsentem. Benè & feliciter valeat  
 Maiestas tua. Datum ex Zvrouice pater-  
 no rure, die diuo Michaëlis sacro. An-  
 no Christi Dei nostri 1549.





FIDELIS SVBDITI  
 DE INSTITVTIONE  
 REGIA.  
 LIBER PRIMVS.



VI PRINCIPES MONENT Ô REX,  
 duas res aduerſa timent; odium, &  
 contempum. Nam neque monito  
 rem fert fortuna, neq; ratione Rex.  
 Hoc ego metuens obmiſi nomen,  
 ne & odio alicuius mōſtraret iter, & ob hoc in ſcri  
 pto authoritas eſſet minor. Subditū me tuū profite  
 or: quo, teſtor Deum, non eſt fidelior alter. Habes  
 cauſam prætermiſſi nominis. Nunc quid, & cur ad  
 te ſcribam, accipe. Sciſne tu, quis eſ tu? Rex. Re  
 gis igitur tu, regor ego; ſapientior ergo tu, quā  
 ego. Quòd ſi tu ſapiens; liber, diues, felix ego:  
 quòd ſi tu deſipias; ſeruus, vagus, exul ego. Nemo  
 igitur delicto tuo miſer, niſi ego. Ergo iam vides,  
 licere mihi, dum adhuc integer ſum, tuum implo-

rare



rare fidem; vt dum licet, discas, quo pacto mihi periculoso hoc tempore, patriam, leges, libertatem que conserues. Et quoniam ad multa tibi obstat ætas, adducor fide, vt ea quæ noceant, admoneã pura & fideli oratione: neq; enim aliam noui (quam, caue contemnas) quòd omnis monitor, interpret Dei est, vt eius lege viuas: quòd si hunc contemnis; caue, ne tibi Deus pro monitore parasitum mittat, cum mendaci spiritu, qui te decipiat. Quamobrem, quòd maioris imperij Rex es, eò curare te impensius æquum est; vt consilia recta iam nunc iniuncta habeas, quibus tot populos conserues. In quo te iuuare possunt hi, qui te amant, & tua salute suam contineri putant; è quorum numero ego vnus sum, vt mox hoc indicabit scriptũ, quod iam tibi hisce libris proponam. Quorum primus ineuntem Regiam tuam ætatem, alter verò regnantem te totum complectitur. Et quoniam omnis administratio Reipub. diuiditur in Regem, & Senatum: hisque duobus mandatur custodibus: de vtroque dicam; ita tamen, vt prius te tanquam caput inspiciamus, deinde Senatum. Hoc igitur ante omnia scito, non quemuis imperio esse aptum, sed tantum hominem veri atque iusti natura cupidũ. Sed hoc non satis est, nisi etiam accedat doctrinã, quæ hunc

*Veros monitores non ferentibus, parasiti dantur.*

*Summa librorum.*

*Qui imperio apti.*



*Rex regnandi peritus esse debet.*

*Præceptor Sigmundi patris.*

ipsum hominem quid verum, quid iustum sit, erudiat. Ut enimager, etiamsi natura fertilis sit, sine cultura tamen sterilis erit; sic hominum natura, quantumvis excellat, nisi accedat doctrina, nihil edit laude dignū. Quare non sunt tibi audiendi ij, qui te à studio earum artium abducunt, sine quibus omnis vita barbara est, & inutilis, cum in omni procuratione, tum verò vel maximè in administratione ciuili. Cùm enim in minimis artibus nemo opus facit, nisi is, qui didicerit; dic quæso, cum omnium difficilimum sit gubernare regnum, quod opus in eo tu facies Rege dignū, nisi didiceris? quo modo iustos, honestos, ac conuenientes, efficies ciues tuos; si neq; iusti, neque honesti, neq; pacis rationes vnquam cognoueris? non traduntur hæc, mihi crede, risu & cachinno aulico: sed indetuntur, vnde olim sanctissimus pater petebat tuus, qui viro docto, ac Sancto Dlugosio traditus puer, non prius discebat, quo freno coërceretur equus, quàm quo ipse cupiditates refrænaret suas: ab hoc ille didicit timere Deum, amare suos, Rem pub. regere, vnire ciues, tueri fines, belli & pacis tempus nosse. Quibus cognitis, labore deinde & metu excitata virtus summi illius viri, in solio paterno atq; auito consedit. Habes exemplum domesti-

cum,



cum, à quo tibi discedere turpissimum fuerit. Accipe nunc externum, non minus ætati, quam dignitati tuæ aptum. Alexander Magnus, cum id ætatis esset, iam Thebas euerterat, ex ludo atq; disciplina Aristotelis progressus: & vt multa in pauca conferam, vna erat viuendi norma proposita his omnibus, quorum est eritque semper æterna memoria, quam Phoenix ille Homericus proponit Achilli, qui se dicit ideò missum esse à Pelœo patre, vt illum sapere prius, deinde facere doceat: ab hac norma qui discesserunt, perniciosi suis Reges fuerunt. Quæ enim alia vis Dionysium Tyrannum in Sicilia, quæ Boleslaum in Polonia, quæ Claudium Romæ, quæ Neronem, & breuiter, omnes tã in Græcos, quàm Latinos, atq; Barbaros Tyrannos efficit, nisi mens bonis præceptis vacua? Iam verò, quibus voluptas pro crudelitate placuit, vt Sardanapalus ille Assyrius, Heliogabalus Romanus, Alcibiades Græcus, Ispretis literis & earum doctoribus, vixerūt cum impuris parasitorum & Iycophãtarum gregibus, cum iis, qui conuiuium de die apparare, scortum cum fide adducere, canere, psallere, risus tempestiuos mouere, nugari, blandiri, mentiri, laudare malos, reprehendere bonos, norant: apud quos erat virtus vitium: pudor pro stu-

*Alexan  
dri Mas  
gni adoles  
centia.*

*Phoenix  
Homertus.*

*Exempla  
Tyranno  
rum.*

*Molles  
Reges ine  
pti regens  
do.*



*Depravatorum Regum Studium.*

pore : continentia pro stultitia : frugalitas habebatur pro avaritia. Sic omni choro virtutum ex animis horum quos commemoravi exploso, semotis etiam fidelibus mentium nostrarum custodibus, ratione, & doctrina; amor, luxus, desidia, atque inertia, in locum virtutum ingressa, eò amentia istos perduxerat; vt Sardanapalus inter ancillas neret: Heliogabalus ex scortis exercitum instrueret: Alcibiades verò pudicitiam vltro prostitueret. Et tamen cum ita viuerent, mirè placebant parasitis: qui maximo cum applausu illorum, insolentiam vocabant disciplinam: licentiam verò libertatem: intemperantiã honestatem: audaciam postremò ipsam fortitudinem. Vides iam optimè Rex, vt aliquando ad te redeam, & illos crudeles, & istos voluptarios principes tales in imperio fuisse, qualis illorum educatio præcesserat. Simul & illud iam tibi notum est, id quòd memoria tenere debes, sine bonis præceptis, & honestis institutis, virum bonum esse non posse; multò minus Regem: & tamen adhuc dici audio, idque à tuis, Regem te esse debere, non monachum; & idèò minimè tibi opus esse litteris. Proch Sancte Iupiter, Monachum sapientiozem esse debere, quàm Regem; An in Regno tuo sapientior erit is, qui in angulo cum vno atque

altero

*Regis educatio quid afferat.*

*Corruptæ voces.*



altero monacho finget & refinget otiosos syllogismos, quàm tu, cui tot ac tantæ res curæ sunt? Senatium inquit prudentem esse sufficit: hoc idem est, ac si quis dicat: Nauclerus sanè insaniat, modò vector sapiat: sed non est ita, non est, ô Rex, occlude aures: caue credas: Syrinum hic cantus est: necesse enim est tibi languere opus, vbi imprudens est princeps operis. Eryngium herbam esse ferunt, quam cum è capratum grege vna in os acceperit, ipsa primùm sola, quæ accipit sistitur, deinde reliquis caprarum grex fit immobilis: nec prius mouetur, quàm caprarius ex ore capræ herbam exemerit. Ad eum modum necesse est omnem industriam atq; impetum recti concilij remorari principis inscitia. sed dices: satis iã admonitionis, iam Doctores profer. Et si tibi, Regi præsertim, facilis sit hæc inquisitio, quòd omnes bonos nosse deberes; tamè quoniam coepi, ne hæc quidem prætermittam. Habes tu in tuo regno, si quispiam alter, ad omne Reipub. munus viros idoneos; sed nescio quomodo otium malunt quàm negotium: ego autem ex omnibus producam duos, industria, doctrina in tuo regno minime secundos, Stanillaum Hosium, & Martinum Cromerum, quorum opera hoc es affecutus, vt exteris nationibus literas iam nosse videamur: quos, si

*Sapientia  
Senatu  
sapien-  
tior  
sit Rex.*

*In Poloni-  
a esse vi-  
ros prue-  
dentes qui  
Regi à cõp-  
siliis sint.*

tibi



*Familias  
res Regii  
quales esse  
debeant.*

*Familias  
res depras  
uati cor  
rumpunt  
Reges.*

tibi ahibueris comites, & si cum his frequens fueris, non erit cur aut Alexandro Aristotelem præceptorem, aut Dioni Platonem inuideas: ijdem tu præceptis, quibus olim illi, istorum opera facilè & citò excelles. Sed de institutione satis, & fortasse vltra modum etiam; verùm fides, & amor, solent carere modo. proinde ignosces, & nunc cætera benigne & attente audias. Proximùm est videre, cum quibus viuas: sed scrupulosus hic & angustus locus est. Nam si quis à me quærat vnus è multis, quid mihi videatur familia tua? respondebo, honestissimam, & plane regiam mihi videri. At si quis morosus Theologus, vt Clepars, quærat: Heus tu, nostri conuictores Regios? noui, quid, õnes isti sunt Regis conuictu digni? Harebo: & si vrgebit, respondebo: Non omnes. Qui igitur ibi indigni Rege? dicã, qui semper laudant Regē. Qui illo digni? qui aliquando reprehendunt Regem. Cur? quia Rex iuuenis; errare, falli, decipi potest. Cum his ergò viuendum Regi, qui reprehensione corrigunt Regem, non qui laude errantem Regem confirmant. Sic ego Theologo isti eius supercilium intuens responderem, multorum Regum admonitus exemplis, qui blandis hominibus versatis & callidis cùm conuierent, turpissimi fuerunt. Quid enim Ptole

maum



Regem aliud in scena tibia canere coëgit?  
 Quid Neronem orbis terræ principem scenico ap-  
 paratu larua & coturno induit? nisi adulatorum  
 laus: cum cantus illorum Apolline digni, conuiuia  
 Bacho, palestra Hercule, ab adulatoribus digna vo-  
 caretur. Quare non est, quod in omni vita aliud ma-  
 gis fugias, quàm adulatorem: hic enim solus de-  
 nuntiat Reges, & quasi Circæo poculo, in quas  
 vult, illos mutat formas. Hocq; ille inprimis asse-  
 quitur, reprehendendis studijs virtutum, vt si verbi  
 gratia, temperantem te videat, protinus clamat ru-  
 ticam hanc esse vitã conuiuio est opus: sine puel-  
 lis, & choro, & symphonia ignobilem esse Regem.  
 Allegabit etiam exempla, se vidisse, hunc & illũ Re-  
 gem, sine cantore, & tibia, & choro, nunquam cœ-  
 nasse: is idẽ excogitabit tibi vestes, inueniet vnguẽ-  
 ra, instruet balnea: apud hunc & illum senatorem  
 quæret tibi cõuiuia, laudabit saltus, incessus, equos  
 tuos iurabit ne in stabulo quidem Turcico melio-  
 res. Ad si quis nunciet fines vastatos; extenuabit  
 mox acceptam cladem: tibi, inquiet, adhuc satis re-  
 gni est: deinde, si ipse omnia cures, nõ Rex eris, sed  
 subdito miserior. Ad eundẽ modum, si quis vir bo-  
 nus, & amans patriæ, aliquid commissum contra  
 ius, aut non legitimè abs te factum, admoneat; nõ



*Adulator  
res recte  
monitis  
obstant.*

fert libertatem hanc adulator; sed extemplo contra monitorem profert illum Tyrannorum laqueū, crimen Maiestatis læsæ: in pectore Regis, dicit, cōditum esse ius: Regem nullo iureiurando teneri: & ab hoc qui dissentiat, Maiestatis esse reum. His atq; talibus artibus ille omnes tibi honesti excutiet rationes, & te falsis laudibus, tanquam quibusdam clauibus, partim ad inanissimas res, partim verò ad perniciosissimas affiget; vt te hac via sensim, aut Bolellaum reddat crudelem, aut mollem Sardana-palum. Quod ne tibi cōtingat, non cum quibusuis viues: hosq; abs te segregabis, quos dicam loquaces, delatores, nugaces, & laudatores tuos; omnes isti corui sunt tui, & his multò deteriores; illi enim mortuis, isti verò tibi viuo insidiantur. Consequēs etiam est, vt inspiciamus locum, in quo habites, de quo quidē facilis est sermo, cū hoc constet, non cuiuis arti quemuis conuenire locum: fænerator urbem quærit: causidicus forum: arator agrū: tibi quoq;, quem summum artificem in Repub. statuimus, pro ratione artis tuæ locus deligendus est. Tu custos regni es, sic enim suprà posuimus: custodi verò locus, non intra, sed extra eas res, quas custodit, est attributus. vt generosus canis, nō intra ouile, sed extra cubat, quò facilius sentiat lupos, perle-

*Adulator  
res corui.*

*Locus habitationis  
Regis.*

quatur,



quatur, & arceat: contra segnis & degener, latitat post oues, & interdum in sinum turpiter refugit pastoris. Patiare hoc loco quæso salutis communis causa liberius quæ sentio monere. Tu Cracouia, adolescentiam teris, in vrbe præclara, & illustri factor; sic enim est; nulla tamen cum tua laude. Est ea vrbs tota in otio posita, & plane inpenetrabilibus regni sita, in qua nullum habere potes virtutis ostendendæ campum. Commodè quidē hic viues, non minus quàm olim Ludouicus Budæ; sed non maiorem etiam authoritatem apud tuos habebis, quàm olim habuit Ludouicus Budæ, qui Mascharis illis suis omnem spem suorum de se extinxerat. Cùm enim risum quærat Maschara; quid quæso tam ridiculum est, quàm est ex Rege <sup>cum</sup> mimus? Tu verò esto vir robustus, fortis, & inuictus Sarmata: & relictis Mascharis, aut Gallis, aut mollibus Italis, censeo, vt te in Gymnasium veræ virtutis in Russiam totum transferas, ex qua re hoc capies commodi. Primùm viues in labore & metu, hoc est, viues cum optimis adolescentiæ duobus magistris, qui primū varijs modis exercebunt te; postea prudentia, & consilio imbuent te; tum verò hæc eadē res, subditos tibi coniunget, & te omnibus amabilem efficiet, cùm viderint te suum Regem, non



*Favor sub  
ditorum  
Regi ne-  
cessarius*

in puellarum coetu, neq; in materno sinu domi late-  
re; sed pro sua salute in ostico excubare; putabunt  
sibi tunc reuixisse Iagellonem proauum, Casimirū  
auum; Sigismundum etiam patrem tuum repubuis-  
se; cū in tua indole, verissimam illorū imaginem  
virtutis expressam agnouerint. Hæc meditare ō  
Rex istos cogita: hos imittere. Quod si feceris, fa-  
cile te eximes ex obtricatorū ore, falso fortasse, sed  
tamen assiduo; & te efficies laudabilem, non luxu-  
riosa iuuentuti, neq; impudenti parasitorum gregi,  
sed auctis gentibus & imprimis regno tuo. Habes  
cum quibus viuas; & vbi degas. Nunc quoniā o-  
mnis tua vita singularis non est, neq; priuata; sed  
communis atq; publica; initio tibi constituendum  
est vt eorum beneuolentiam summo studio tibi ad-  
iungas, quorū hominum Rex es; quæ praesidio so-  
la regibus est; & sine qua, infirmū, incertumq; est,  
quicquid in Regū opibus est. Porro quoniā Eque-  
ster ordo firmamentū regni tui est; hūc tu tibi ōni-  
ratione iūgas censeo, id quod duabus potissimum  
rebus assequeris. Vna, si nihil tuū in regno tuo esse  
dicas, sed cuncta Reipub. adscribas, & te Regē esse  
fateare, quasi quendā custodem; porro, custos ni-  
hil habet in his rebus suis, quas custodit, alioquin  
eius ipsius rei non custos erit, sed dominus; eo pa-

cto, &



cio, & auaritiæ suspicionē effugies; & spe liberali-  
 tatis tuæ, omnes ad amandum te allicies. Altera ve-  
 rò res est, quæ ad conciliandam beneuolentiam e-  
 quitum plurimū valet, si eos quos bellis gerendis  
 idoneos, ordinibusq; ducendis aptos, & quos mi-  
 lites aduersus excursions hostiū excubantes, prin-  
 cipes sui ordinis esse duxerint, clementia tua com-  
 plexus fueris; industriamq; eorū, studiumq; & de  
 te, & de salute regni bene merendi, muneribus &  
 honoribus debitis exornaueris; industriam amaues-  
 ris; ignauitā, mollesq; animos neglexeris; paci &  
 quietis rebus studentes, in consiliū allegeris; prin-  
 cipes seditiosorum compresseris, proculq; à consi-  
 lijs de Repub. amoueris. Sed & illud sedulo cura-  
 bis, ne aut conquirendis possessionibus pro Rege  
 vicinus sis subditis, aut contemptis bonis & forti-  
 bus viris, ipse charus sis nulli. Quomodo regnum  
 defendas, difficilis semper fuit habita ratio. pec-  
 cunia collata, illud defendi quibusdā non placuit,  
 partim quod frequensibus tributis regnum iam ex-  
 hausimus, partim verò, quod inuentus ex hac rati-  
 one otium nactus, omni in luxu defluit, quā corrige-  
 re, & vtilē regno efficere, facile non est, nisi prius  
 mutetur abs te tota defensionis ratio. Et si ex me  
 scire vis, quæ ratio mihi placeat, dicam, quæ olim

*Ratio regi  
 tuendi,  
 & inuentu-  
 tis exer-  
 tendi.*



placuerat sapientibus. Vniuersa Respub. nostra in decē & duos Palatinatus (ni fallor) est distributa: ex his sita partes faciās, vt proratione tēporis hoc anno militent, verbi gratia Palatinatus tres, altero totidem, & sic deinceps; cōmodissimè hoc modo Rempub. defendes: nam contra maiorem vim parata est tibi generalis expeditio. Talis militia, vide, quanta bona nobis adferat: primò, requiescent à tributo coloni: deinde necessitate militandi, iuuentus auocata à luxu, assuescet labori, & condiscet oneri: horum præterea patres, cum quadam æmulatione curabunt diligentius equos, arma, conquirēt currus, & reliquum belli instrumentum semper domi paratū habebunt, cū certo sciuerint, post tertium quemq; aut quartum annum circulo ad seredire bellum: nunc autem, quàm frigeant apud eos omnia, tacebo, ne & meostangam. Sapienter hoc illi videbant veteres Græci, qui hac sola ratione, & luxum de Repub. tollebant, & hostē ab illa arcebant. Dixi quod sciui, tu sequitor meliora, si hæc non placebunt. Tu ergo Rempub. hunc in modū, & bello, & pace reges. Sed quoniā omne regnum tuum in belli, & pacis rationes distribuitur, quorū vtrūq; certis legibus in nostra Repub. tibi est circumscriptum; non abs re quæri videtur, cū in tuo

regno



regno, hæc duo sint præcipua Lex, & Rex, vtrum horum altero sit maius: vt omni errore sublato, intra fines officij tui certus consistas. Si enim audiamus Romanos Iurisconsultos, hoc est, Tyrannorū parasitos; sine dubio omnia summa in regno tribuemus Regi. Nam & iusticiam ipsam vtilitate Regis definiemus, & legem ipsius dicemus esse placitum: nunquam rogabimus Regem, quare? nunquā iusiurandū erranti proferemus: ipsum postremò fatebimur, vitæ necisq; nostræ dominum. & hæc, quò certiora sint Regi, communierunt illi crimine Maiestatis læsæ. At nos non in Neronis regno nati, sed in Sigismundi editi patria, ita à maioribus nostris edocti sumus; vt sciamus Regem deligi propter regnū, non regnū constitui propter Regem. Ex qua ratione multò nobilior atq; dignius regnum arbitramur esse Rege. Lex verò, cū anima sit & mens regni, ideo potior est proculdubio regno, & consequēter Rege. Maior ergo erit lex, quàm Rex, & melior, & longè illo nobilior. Quid ergo est lex, ego dicam: Lex ipsa princeps liberi regni est, vt iam do cui, sed muta, cœca, & surda: ob quam causam etiam vnus homo deligitur, quem Regem vocamus, qui lingua, oculus, auris sit legis. Quod si lex audire, videre, loqui posset; nulla gens deligeret Regē;

*Comparatio legis cum Rege.*

*ipsa*



ipsa enim lex præciperet quid quæ esset factò; sed cum hoc non potest, interpretem habet Regem. Si quis ergò Trebonianus, aut aliquis ex seruitute Romana Ulpianus tibi blandiens, te summum in tuo regno esse dicat; negato: legem in tua patria regnare dicito, non hominem. Tu igitur quis es, si quærat sic responde piè, & verè: Rex ego sum: hoc est, lingua, oculus, auris legis & breuiter, interpret legis; ita vt etiam iureiurando obstrinxerim fidem regno, ne aliud loquar, quàm quod vult lex. Talis responsio, vt vera erit, ita præclara atq; magnifica, & digna Casimiri Magni successore. Hic enim nobis primus sanctissimas & iustissimas leges dedit, quas omnes, illis exceptis impijs, de homicidio, te venerari æquum est, & ab illis ne transuersum quidem vnguem discedere. Cùm enim lex sit donum Dei, vlciscitur Deus violatores sui muneris, cæde, seditione, exilio, hoste, vastitate, seruitute: transfert postremò regnum de gente in gentem ob violatas leges. multa possem tibi exempla proferre, tam noua quàm vetera, quibus liquet miserabiles semper fuisse Tyrannorum exitus, id quod etiam disticho notatum est,

*Iustitia  
arx Regi*

*Iustitia & pietas validæ sunt principis arces,  
Nulla Tyrannorum vis diuturna fuit.*

Sed



Sed cū ad alia propero, & tuæ facietati occurro, ideo hæc comittā, & illud concludam. Si legē ipse tibi in regno veluti alterū Regem præfeceris, beatum quoq; faciet te Deus, & regnum tuum, quòd te voluntati ipsius vltro totū subieceris. At si hunc ordinem mutaueris, & te dominū legis constitueris; mutabit etiam dominus regnum tuū, & tradet illud aut hosti, aut seruo tuo. Tot erant admonēdi cui forte capita: nam illa, quæ cum multis videbātur tibi esse cōmunia, prætermisi: neq; enim nos te, vt priuatum aliquem hominem admonuimus; sed vt Regem, cuius omnis vita, cū referatur ad regnū, earum rerum tantūm capita posuimus, sine quibus Rex utilis regno esse non potest: trita verò & vulgaria vt dixi regecimus. Nam si te, verbi gratia, admonerē, quo pacto cum vxore, quam ducis, viuas, sic monerē: Suauiolem quidem nullum esse comitem; diligenter tamen cauendū præciperem, ne illa suauitate sua ita influat in tuum animum, vt aut omnem curam regni aboleat ex animo tuo, aut totam in se transferat: hoc ego si ita te monerem, neq; tu, neq; quisquam alter magnopere attenderet; omnibus enim maritis generaliter hoc à sapientibus præcipitur, ne quid aliud mulieris ingenio permittant, præter domus curam. Ideo hæc atq; his



similia prætermisi: his tantum contentus fui, quæ tibi soli erant propria. Proinde nemo me neq; negligentia, neq; imprudentia iure damnabit, quod multa sciens obmisi. Hac ego prima parte suscepti negotij hunc in modum constituta, iam aggrediar secundam.

## Secunda pars de Senatu.

*Tyranni  
& Regis  
comparatio.*



**D**E Senatu hoc in summa scito, non alia re dignosci bonum Regem à Tyranno, nisi conditione senatus; nam & tuetur suos Tyrannus ut Rex, & iuste interdum decernit, & aliquando suis ignoscit; at senatus nunquam similis est Regi. Etenim Tyrannus sanatum aut non habet, aut si habet, ex hominibus nequam collectum habet. Cum enim ad suam ipsius utilitatem cunctam Rempub. referat, cauet diligenter, ne quis illi obstat. Et si quando socios non tuendam sed perdendam Reipub. legit, in primis curat, ne quis horum sit aut lingua aut sententia liber. Diligenter enim cauet, ne quo casu homines, genere, doctrina, virtute illustres in sua tyrannide crescant; sed tum beatum se esse putat, cum viros fortes, magnanimos, prudentes,



dentes, doctos, & diuites, è dominatu suo exterminauerit. Contrà verò Rex, quoniã non sua, sed suorum causa, princeps in Repub. constituitur; vt eò plus proficit regno, asciscit sibi socium optimum, & præstantissimum quemq; ; cuius auctoritatem metuat, cuius consilio pareat, sententia verò Rempub. bello & pace conseruet; ob quã etiam causam, ingeniosos & doctos colit, quòd eorum opera scit se habiturum viros Reipub. idoneos sine quibus nulli hominum coetus, neq; vlla Respub. diu stare potest. Quod cum ita sit, summam curam indiligendo senatu adhibebis. vt ex delecto tuo consilio Regem verum te esse, non Tyrannum, omnes homines facillè intelligant. Avaro, caue vllam partem regni committas: quod etiam sacrae literaè verent, aliquid credendũ esse avaro. Et Paulus Apostolus: Radix inquit, omnium vitiorum auaritia est. Huic vitio proxima est luxuria, quæ nisi esset, auaros nullos haberemus; necesse enim est eum aliena appetere, qui sua profundit. Hinc nascuntur in Repub. doli, fraudes, prodiones, rapinæ, dissensiones, ac tenuiorũ oppressio. Quare vt ab hoc malo regnum tuum liberet; homines frui, temperantes, in senatum legitò, qui cõtenti sint suo, & si ita necesse sit, paruo. Hominem etiam obscuro aut notato patre

*Senatus  
qualis esse  
debet.*

*Aliena appetunt qui  
sua profundunt.*



ortum, non admittūt ad Rempub. sapiētes, quod, ut magus thesaurus libertatis est liberis virtus parentis; ita contra seruilē reddit filium ignobilis vita patris. Tu verò ut splendidum consiliū habeas, viros illustres, & clarissimis parentibus ortos, quantum potes deliges, partim quòd veluti colūnae quaedam regni tui sint, partim verò, quòd longo seculorum tractu regnicolæ cæteri, huius familiarum authoritati iam parère didicerunt. Id quod tu assidue experiris, non idē valere in tuo regno cæterorū, ut valet Tarnouški, ac Kmithæ, Thæczynski, & aliorum similiū nomen. Sed illud tamen fac memineras, honores virtutis, non generis esse premiū: ut si quis Kmitha sit huic clarissimo & magno Palatino dissimilis lurco, ganeo, heluo nepos; sit verò quispiam Grzybouski vita & moribus huic contrarius, & plane vir bonus; tu hunc verū Kmitham esse putabis, illum verò nebulonem, fuste à tua Repub. arcebis; hoc enim hominū genus triplex ad Rempub. non admittunt sapiētes. Cùm ergo legitimus senatus tantum in regno possit, ut in manu ipsius plane salus sit regni; nihil te ita oportet curare, quàm ut sit conueniens: neq̄, enim alia res est, quæ citius dissoluat Rempub. quàm discordia senatus. Diffensione siquidem Cæsaris & Pompeij periit Ro-

*Autoritas  
familiarū  
vetustarū.*

*Degeneres  
negligendi.*

*Concordia Senatus.*

ma: in



ma: intellinis etiam odij Senatus, Vngaria nuper  
 funditus interijt. Hic casus etiam nobis pertimescen-  
 dus est: nam & nos occultis ardemus odijs, de qui-  
 bus antequam dicam, petam à senatibus nostris  
 hanc veniam, vt mihi liberè vera loqui apud te li-  
 ceat; cogor enim charitate patriæ, & fide in te Re-  
 gem meum singulari, quem video gubernacula re-  
 gni firmiter tenere non posse in summa quorundã  
 discordia; cùm aduersa factio senatus soleat incer-  
 tum reddere animum Regis: quæ res tolerabilior  
 vbiq; esset, si inferioris ordinis viros exagitaret; sed  
 cùm versetur inter principes, ferendum tibi nõ est,  
 præsertim cùm eò iam processerit odium; vt etiam  
 viuo patre tuo, nihil aliud quidam cogitent; quàm  
 quomodo dignitate alter spoliet alterũ, & quo pa-  
 cto damno, iniuria, contumelia, infamia, adficiat  
 pars altera addictos parti alteri. Hunc in vsum ser-  
 uantur mille causidici, rabulæ mille; ita vt si non-  
 nullos accedis, inuenias eos causidicorum cinctos  
 corona consultantium, quomodo hic citandus est,  
 quomodo iste eludendus, quæ ratione iste è regno  
 pellendus aut notandus. Ego neminẽ hoc in loco  
 nomino, tantum erroris admoneo. Proinde nemo  
 mihi irascetur, nisi prius de se cõfiteatur Quis enim  
 est tam ferreus, qui hoc ferat? homines authorita-



*Dissentis  
entis ses  
natus ins  
commoda*

tis summæ relicta Repub. in tam periculoso tempo  
re nihil cogitare, nisi per lapsus, citationes, nisi bā  
nitiones, nisi ministeriales, & triplicata vadia? Quis  
autem ex his moribus si durabūt aliud speret, quā  
certissimum regni tui interitū? quod si tu negligis,  
& si dies atq; noctes parentem tuū sapientissimum  
Regem non sollicitas, placatos & conuenientes se  
natores tibi vt relinquat; aut regnabis male, aut  
omnino non regnabis: momento temporis hæc om  
nia peribunt, quæ tibi relinquet pater, principū  
discordia- Tollēdi verò huius mutui odij & dissen  
sionis vnā esse causam à prudētibus audiui, quan  
tū hęc ponam. Meum, & tuū, sunt duo omnis discor  
diæ ciuilibis fontes, ex quibus promanant, & pro  
fluunt lites & controuersie forenses: ex his deinde  
nascuntur odia: ex odij sunt postea seditiones: se  
ditionē verò certus regni consequitur finis. Vt er  
go sit tuum regnum saluū, meum & tuum non ver  
setur inter senatores tuos: non disceptent de illo,  
neq; iudicent; ad alios hæc relegētur iudices. Sint  
senatores regni patres, liberi ab odio, conuenien  
tes, non controuersi. Habeant animum, non ob  
fuscatum maleuolentia, non impeditum odio, non  
cæcum inuidia; vt pura & sincera mente, quod  
noceat, quid uē proficit regno, certius videāt. Quod

fieri



fieri non potest, quàm diu priuatarum rerum ipsi fuerint iudices. Atq; vtinam aliquando illa prætorum comitorum valeat apud te sententia, quæ censuit constituendum esse iudicium in regno ex delectis iudicibus, ad quos omnes controuersiarum priuatarum deferantur: & vt ab ijs nulla sit prouocatio; sed illorum iudicio stetur, quidquid decernerent. nihil mea sententia neque sapiennus neq; vtilius, neq; quod ad salutem huius regni magis pertineat, potuit decerni. Hoc enim modo vixit olim saluis rebus Græcia, quæ ex primoribus ciuitatibus delectos viros habuit, omnium controuersiarum suorum iudices, quos Græci Amphictionas vocant. Quem deinde morem sequuta Roma, ad hunc eundem modum publicum constituit iudicium, quod Rotam appellant. Et quoniam hæc iudicia non tantum iustitiæ inter ciues, sed etiam pacis & concordie videbantur esse causæ; ideo & Gallia Parlamentum suum, ad hanc formam constituit, autoritate tanta, vt etiam Regem ipsum illi iudicio in priuatis causis subijceret: & Germania quoq; non dissimili ratione vnum iudicium esse in cuncto imperio suo voluit, cuius authoritati pareret, quod vulgo Germani vocant **Kammerrecht**. Cum ergo habeamus tot exempla retinendæ pacis,

& con-

*Iudicia  
tribunalia.*



& concordia communis, & cum hoc etiam ipsum in comitijs flagitari videas, causa non est; cur non summo studio agas cum patre, vt pro sua sapientia, & pro salute huius Reipub. qua ille per triginta & sex annos felicissime gessit, constituat hoc tale iudicium, quod tuo regno pacem, tranquillitatem, atq; otium adferat; vt & senatores tui Rempub. diligentius curent, & adempta illis de meo & tuo potestate iudicandi, in mutua charitate, atq; beneuolentia viuant. Praefectos prouinciarum, quos Capitaneos vocant, diligentius obserues censeo: eo enim processit quorundam insolentia; vt nihil aliud interim dicam, vt seruitus in quibusdam prouincijs non sit expectanda maior. Non solus est crede mihi in tuo regno N. multi sunt tales & deteriores illis, qui subditos tuos non pecunijs, neq; Marduris aut vulpis pelle, id quod N. fecit, sed villis, agris, pratis atq; siluis priuauerunt. Aperi modò aures, & arripe, miserabiles vndiq; fletus & gemitus tuorum audies, quorum ita oppressa est libertas quorundam potentia; vt Regi suo calamitatem suam conquæri non audeant. Qui si quando quærantur, domum reuersi miseris affliguntur modis: illic enim praesto adest mors, & terror subditorum tuorum, causidicus; qui praefecti instinctu commentatur citationes,

qui

*Capitanei  
quid faci-  
ant.*

*Libertatis exem-  
pla.*



qui perlucra numerat, & perlucrorum nomine dolo partorū omnibus bonis me exturbat; quid? mox ex mea villa bona fiunt regalia, & ager meus raptus, pecus abigitur, & mihi bonorum interdicitur vsus. Taceo minas & contumelias ingentes, ita vt optabilior sit quæuis seruitus Turcica. Quæ res, quàm in libero regno non sit ferenda, vides? male enim cogitantes de Repub. faciunt ciues. Quocirca, vt hac seruitute regnum tuum liberes, ad vitalitates quas vocant nemini dederis; nam istarū spectum multi insolescunt: deinde id, quod nuper iustissimè factum est in homine teterrimo & rapacissimo, N. quod inquisitores in eum sint misit: tales inquisitores sint perpetui velim, viri graues & fideles, qui prouincialium iniurias ad te deferant, vt metui iustitiæ tuæ, contineatur quorundā iniquitas. Ad hūc igitur tu modum eliges & corriges senatum, præfectosq; cohercebis. Sed quoniam in tuo consilio sanctissimi etiam sedent Episcopi, more maiorum, hos tu venerabere vt patres: qui ideo sunt in senatu tuo, vt omnium consiliorum tuorum censores sint & iudices; ne quid fortè starnas, quod à Christi domini religione sit alienum: quos, vt tales semper habeas, quales habuit Casimirus auus tuus, Sbigneū; Boleslaus Stanislauus, & huius successor Prando-

*Episcopi  
in senatu.*



*Episcoporum  
aut  
ritas,*

tā, partim optare, partim verò curare debes. Illud enim fac tibi persuadeas, dignitatem Episcopi esse tantā; vt nulla res post Deum, neq; in terris, neq; in coelo reperiatur, quæ cum hac dignitate æquatur. Hic enim primus habet clauēs claudēdi aperienti q; coelos: hic Spiritum Sanctum largitur Ecclesia: huius imperio subiecti sunt Reges, principes, nobiles, ignobiles, diuites, pauperes: audi quo te deducā. Isti omnes quos enumeravi, vnum Christi ouile efficiūt. In quo quidē ouili, ōnes sunt pares, non est seruus, vt inquit Paulus, nō est liber, non est vnus conditio melior, neq; alterius deterior; sed vno nomine vocati Sancti, omnes subiecti sumus Episcopo. Quod si ita est, vt certē est, quæso ne tibi curiosum videatur esse, si à Maiestate tua quæram, quo iure Rex in Ecclesia eligit Episcopū: aut cur tu potius quàm ego, aut quisquā alter; cum in æquali iure, potestas omnis sit æqualis? Quid dicēs ō Rex: aut quomodo tibi id licere putabis? num Scriptura? quæ tota contra te est: quæ docet, Stephanum Diaconum, non vnus alicuius prærogatiua esse electum, sed voluntate omnium, qui tunc erant Hierosolymis cum Apostolis collecti, Mathiam etiam ad Episcopatus munus ac Apostolis omnibus electum esse legimus. Ideo scripturam ra-

*Eligenda  
Episcopos  
veneratio,*

tionis



tionis tuæ testem proferre non potes: sed legem aliquam fortasse proferes. Quam quæso legem? ubi porrò natam? num in concilijs? quæ ad capitulum, hoc est, ad Cononicos, electionem Episcopi deferunt, quod hi in deligendo Ecclesiam illam, quæ eget Episcopo, repræsentent; vt adhuc obseruari videmus Romæ, Salerburgi, Bambergæ, Mandeburgi, Vrathisslauriæ, Olomuncij, & in plerisque alijs ciuitatibus. Legem itaque nullam reperies, qua id tibi liceat. Ad exemplum fortasse vetus aliquod? nullum. Nam usque ad Casimirum auum tuum electio Episcoporum libera penes Ecclesiam in Polonia mansit. Reuolue annales veteres: inspicere etiam historiam Polonicarum rerum; facile intelliges, qua ratione vetustissima Ecclesiæ consuetudo sit ab auo tuo in Polonia immutata. Si ergo neque scriptura, neque lege, neque exemplo nominare Episcopum tibi liceat; fateare necesse est, Reges magnam vim inferre Ecclesiæ: & cum Spiritu Sancto aperte pugnare te; quod homines profani & pares in Ecclesia cæteris legitimis electoribus vim eligendi præripiant; & suo arbitrato Episcopum quem velint, in Ecclesia Dei constituent; præsertim cum hoc scelus alio cumuletur scelere, cum huiusmodi verbis Episcopatum conferant; REGIA MAIESTAS PRO TVIS FI-

*Capitularis electio Episcoporum quando desinit.*



DE LIBVS SERVITIIS DAT TIBI HVNC EPISCOPATVM. Non sic olim, cū Canonica stabat electio, dicebatur: sed, ITA VISVM EST SPIRITV SANCTO, ET NOBIS, vt sis huius Ecclesiæ Episcopus. Nūc verò in multis apparet, quā sit visū spiritui sancto, vt esset his vel ille Episcopus; cū nuper quidā nō dissimulāter dixerit, sed aperte & palām, & multis audiētibus, se triginta annos seruiuisse pro Episcopatu, antequam sibi daretur. Non audit hic vir bonus Christum dicentem: NON VOS ME ELEGISTIS, SED EGO VOS ELEGI. Deinde omnes Apostoli, hoc est Episcopi, Christū sequebātur vocati. Illi verò qui se vltro Christo offerebant, palām ab eo erant reiecti. Quapropter hæc plātatio vt vides nō est patris cœlestis, quæ procul dubio eradicabitur, nisi ius eligēdi vetus, Ecclesia recuperauerit. Ex qua re habebis multa bona: & primò, Episcopos legitimos, nō hominis vnus gratia, sed multorū hominū celsura electos: deinde, desinet vulgus quæri de sinistris clericorū moribus; nemo enim deligetur Episcopus, nisi qui probatus fuerit à multis, quē necesse est fieri moribus & vita singulari. Talis verò non patietur inferiores sui ordinis sibi esse dissimiles. Quo si feceris, recuperabit per te suam veterem dignitatem Ecclesia: tu

terciam

*Seruire  
pro benefi-  
cio an li-  
cent.*



te etiam grauissima liberabis culpa, quòd cum Deo apertum bellum gerere nolueris, sed iugo Ecclesiæ Dei te totum subieceris. Qua quidẽ de re verbum ego hoc loco non fãcerem, nisi me ipsa stimularet conscientia, quòd videam neminem esse concionatorem, qui vos Reges publicè doceat, qualem rationem pro hac tanta vestra in Ecclesia Dei iniuria reddituri sitis Deo. Quare iuxta Euangelium, cum Klepars & cæteri Doctores sileãt, lapides clamare oportet. Tu itaq; fac memineris te à me diligentissime huius erroris esse admonitum; vt in die horrendi iudicij conscientia mea nullam culpam delicti ferat. Hæc ego scripsi vt potui, non hominibus imperitis qui omnem doctrinam spernunt; sed tibi Regi sũmo, qui ira cum animo tuo statuere debes, potentia prudentiam esse coniunctã debere; quòd natura, altera harum virtutum quærat alteram, postuletq; & simul viuat cum altera. Nam & potentia absq; prudentia viribus ipsa ruit suis: & prudentia, cum sit rerum domina, absque potentia firma esse nequit. Quare cum te esse sentias Regem, nihil earum rerum contemnes, quæ ad augendã prudentiam pertinebunt: neq; ita dices, **HOC MEMORAVIT PRIVATUS NON REX.** Ego verò video in theatro pugiles, & in circulo cursores, non tan-

*Ioannes  
Klepars  
erat vir  
egregius,  
doctus, &  
pius Con-  
cionator,  
de re lites-  
raria &  
Academia  
Craco: op-  
timè meo-  
ritus.*



tum à fortibus viris, verum etiam à pueris clamare incitari ad pugnam; quod tantum clamor pro fit personæ, ratio nulla sit. Multos tibi proferre possim, qui priuati cum essent; bene rem gerere multos principes docuerunt; quorum memoria inter homines viget, estque immortalis. Nam & Simonides Poëta multa docuit Pausaniam Lacedæmoniū: & Thales Milesius, Periandrum Corinthium: & Periclem Anaxagoras Clasmennius: Plato verò Diogenem: Aristoteles Alexandrū: Dlugos Sigismundum patrem tuum; qui omnes principes atque Reges, si istos, quia priuati erant contempsissent, nunquam ad eam laudem atque immortalitatem inter homines peruenissent. Neque ego me cum istis, vlla ex parte confero (non enim ita desipio) sed horum exemplo doceo, priuati hominis nomen nobis non obstare, quominus monitis nostris obtēperes, quæ ostendunt tibi compendium comparandæ inter homines laudis & gloriæ. Nam quod cæteris hominibus non contingit, ut sint noti multis, nisi peregrinentur, obeant, & peragrēt multa; hoc tibi vno in loco assequi, quomodo liceat ostendimus. Cum enim in excessu sede summæ dignitatis sed eas, omnium gentium propemodum oculos defixos in te habeas; ut nullam paulò illustrius abs te factū latere

possit,



possit, sed statim omnibus innotescat, si quid simile repræsentaueris, aut Licurgo illi lacedæmonio, aut Cyro Persæ, aut Sigismundo Polono, & si quis alter præterea prudētia, vita, & moribus excellit; simile sic illustrabitur nomen tuum in Polonia facilè & citò: & cum tua summa omnium laude versabitur, etiam si nunquam Hierosolymam nauiges. Si verò bonis fortunæ aut corporis deceptus, contemnes veritatis atq; iustitiæ præcepta; in isto quidem loco præalto sedebis; sed ita tamen sedebis, vt te locus ornet, non tu locus. Verùm nos de te opinamur meliora, quoties & indolem tuam & Iagellonum genus cogitamus, à quo genere aliena semper fuit arrogantia; placidum enim, benignum, tractabile, docile, omne genus vestrum fuit. Accipies ergò hoc munus à fideli subdito, benigno & sereno vultu, eiusq; in primis cōmendatam habebis fidem, qui nihil aliud hoc scripto quærit, quàm tuam vtilitatem, quam tibi ratam atque vtilem propriamq; Deus Optimus Maximus esse velit.

1543. Comitijs Cracouien. in nuptijs Inclitissimæ Dominæ Helizabetæ Regis Romanorum filix, quæ postea Dux fuit Lituaniæ 1544. infelicissima; mortuus enim est 1545. Augusti die.

STANIS-



## S T A N I S L A I

ORICHOVII ROXOLANI.

Fidelis Subditi.

## L I B E R S E C U N D U S.



VM PATRI IN REGNO SVC-  
 cedas, optare debes & ipse tibi, cōsi-  
 lia administrandi regni subire quàm  
 plurima, & alios præstò adesse, qui  
 id, quod ex vsu futurū sit tibi, liberè  
 admoneat quorum & si multi sint, tamen neq; me  
 contemnes, qui rationes tuas crebrò expendens,  
 agi mecum putem, si quid tu de officio remiseris.  
 Quare cūm enixe cupiam, & te meum Regem, &  
 me tuum subditum dici, ostendam tibi, qualem te  
 Regem mihi velim esse, vt intelligas, qua authori-  
 tatè regendus, quibus moribus conciliandus, qui-  
 busq; artibus ab te sim tibi retinendus, vt ita inter  
 nos vtrinq; fidelis constet ratio, & obedientiæ, &  
 imperij: vtq; tu mihi imperes sine quarela, & ego  
 tibi vicissim pareā sine offensa. Hoc igitur scito, vt

*Ratio ve-  
 tinendi  
 subditi in  
 officio.*

te idone



te idoneum esse putem, cui ego non coactus, sed volens atq; lubens paream, duabus rebus ad id tibi opus esse. Prima est, vt credā te in omni ratione regni tui nihil nisi de meis commodis cogitare. Secunda vt mihi certò persuadeam, te sapientio- rem, iustio- rem, fortio- rem atque melio- rem virum esse, quā- m sim ego. Altero enim horum vt te amem; altero verò vt tibi fidem habeā, perficies. Nam si de tua virtute, nulla fuerit apud me opinio; nulla eti- am cōmodorū spes: quid illud erit tertium, quod aut amorē tibi apud me, aut fidem conciliet? Ergo hęc duo apud te simul fixa maneant, firmaq; inter nos semper sint: nā & virtus sine utilitate, ieiuna est, & utilitas sine virtute, incerta est, & ingrata. Quid enim tu apud me proficies, etiam si omnia pro me profundas; si ego te insipientem, iniustum, imbel- lem, ac improbum Regem esse putauero? non be- nē sanē tum constaret inter nos ratio ipsius regni. Quare virtutibus omnibus; sapientia autem in pri- mis pręstes, necesse est, si idoneus mihi velis videri, quem ego ducem sequar. An tu me hominem pe- cude stolidio- rem censēs esse oportere? ipsum enim pecus sequitur, non tam datorem, quā- m rectum du- ctorem ipsius pabuli. In hominum etiam ipsorum genere ægroti obedunt medicis, opinione artis



impulsi: sic nauigantes nauclero; sic milites suo  
 parent duci, opinione sapientia duci. Quapropter,  
 si vis grandis à me videri, antè omnia dato operam,  
 vt sapientior non solum videaris, sed etiam sis quam  
 sum ego. Simulatio enim ipsa sapientia præsertim  
 facile in scitria coarguitur. Qui enim benè equitare  
 se falso simulat, is equo conscenso imperitia con-  
 uincitur, ac tergo excussus, sæpè simulationis dat  
 poenas. Idem tibi faciendum est, vt raro promissis,  
 semper autem rebus ipsis mecum agas; ne si mihi  
 sæpè multa de tua sapientia promiseris, pauca verò  
 re ipsa præstiteris, canem me illum facias, quem  
 cum Venator in prædam sæpè incitat, raro autem  
 illi prædam obiectat, incredulum illum ac segnem,  
 etiam ad certam prædam facit. Quibus autem re-  
 bus opinionem veræ & excellentis sapientia apud  
 me tibi comparare possis, dicam, sed audituro. In-  
 primis fac intelligam, te non minus in te ipso, quam  
 in me regendo sapientem esse Regem; frustra enim  
 tu me regere voles, si ipse te regere non potueris.  
 Quare putato tu te tibi quasi Rempub. quandam  
 esse, in qua tu mihi demonstrare debes omnes sen-  
 sus atq; neruos sapientia tua, vt in te ipso experi-  
 mentum clarus faciam, quantum ad me ea regen-  
 dum tran. Quæ in me si ualitura. Qua in re idem  
 facies,

*Qui se ipso  
 sua nescit  
 regere,  
 alios non  
 potest.*



facies, quod pictores solent, qui cùm specimen artis edunt, ad speculum ipsi se pingunt, quod quidē in pictura est summum. Quod si ij vultus suos ex speculo penicillo assequi non possunt, tantò minus crederetur posse aliorum. Illi verò qui hoc possunt, summi in arte habentur. Quales in Germania vidimus olim Durerium Norimbergæ, & Lucam Vitembergæ. Ad horum exemplum tibi quoq; efficiendum est, vt omnis ratio tuæ sapientiæ, in tua vita mihi appareat, quod si mihi planum fiet, non dubitabo eandem vim, prudentiam tuam in me gubernâdo habituram, quæ in te ipso habuerit. Sit ergo hoc primum & præcipuum, ad comparandam sapientiæ opinionem, vt ipse te noscas, atq; viuendo totum exprimas: id quod etiam Apollo præcepit Pythius. Secundū est, quod ad eandem rem valet, nempe vt videam te sapientibus hominibus non solum delectari, sed etiam cum illis viuere, ac illis deditū esse, illorum præcepta audire, legere, ac tenere, & secundum illa regnare: quod ego cùm animaduertero, similem te quoq; illis arbitrabor esse, quorū consuetudine latabere. Et vt te id agere verè & ex animo intelligam, remouebis abs te homines libidinosos, auaros, ac facinorosos: hystriones itē atq; mimos; ne qui ex horum conuictu nascatur de te apud me



opinio sapientiae aduersa: Quamtu ergo potes da  
operam, ut in omni victu, atq; cultu tuo semper sint  
tecum graues viri, probati, atq; docti: nec verò mul-  
tum refert, ex tuone illi regno sint, an ex alieno:  
nam ut equis probis vteris, non curans Polonicine  
illi sint, an peregrinis, sic etiam hominibus ipsis vta-  
re absq; discrimine ad tuam regniq; tui utilitatem.  
In quibus tamen deligendis adhibenda est abs te  
ratio diligens: multi enim sunt qui cum ab illa ve-  
ra & germana sapientia longissimi mè absint, sapienti-  
am tamen ipsam minuscè simulat. Hoc tu pernitio-  
sum genus hominum, ventriq; ac lucro deditu n fu-  
ge; insolentem enim Regem facit, arrogantem, ac  
degenerem: quos tu omnes hac vna regula cogno-  
sces, quam hic ponam. Quemcunq; inhumanum,  
arrogantem, avaru, ac plebanis petam videris; hunc  
tu insipientem esse dicito, & tuo conuictu indignu,  
etiam si is barbatus fuerit, tristis, ac superciliosus,  
multorumq; tituloru Doctor eius doctrinae, quam  
ille verè nunquam didicit. Quid ita? quia sapientia  
illa vera, & non ficta doctrina, habet humanitatem  
adiunctam: horret titulos, liberalitate ducitur: ac  
quodam externarum rerum neglectu lætatur. Non  
ergo homines ex titulis tibi deliges, sed ex rebus  
ipsis ad regni tui summam pertinentibus. Tales ho-

*Sapientia  
simulata.*

*Vera sap  
pientia.*

omnino

s. d.

mines



mines prisca illi Philosophos appellabant, quòd hi  
 eam traderent doctrinam, qua hominum vita regi-  
 tur & continetur; vt verissima conuersione omnes  
 amatores sapientiae, sint amatores ipsius Reipub.  
 & contra. Hos ergo tibi adiunges summo studio,  
 summaq; tua beneuolentia. Restat ordine quidẽ ad  
 parandã sapientiae opinionem postremũ, sed facul-  
 tate haud scio an longè maximũ vt videlicet scho-  
 las & gymnasiũ, hoc est, ipsius sapientiae domicilia  
 in regno, vbi non sunt, constituas, vbi verò collap-  
 sa sunt, restituas. In quibus iuētutis regnari in doles,  
 ad humanitatem sapientiamq; informetur: & in  
 quibus etiã tui subditi à pueris, & bene rem agere,  
 & tibi sapienter imperanti parẽre cõ discant. Quod  
 si hisce rudimentis neglectis, legibus ac poenis ad  
 virtutem ciues tuos impelles; idẽ facies, ac si quis  
 poena cogit scopũ attingere eum, quem nunquam  
 iaculari didicerat. Quare ad augendam sapientiae  
 famam; illud vehementer conferre existimes, vt  
 Gymnasium Cracouien. quod pro auus tuus con-  
 didit constituas: quod ita sanè efficies, si publico  
 edicto, hoc istud Gymnasium, perpurgaueris men-  
 dis illis infinitis, ex eoq; sustuleris authores illos, nõ  
 probatos & barbaros, minimeq; regno vtilis, Cor-  
 pulatos, Holcotos, atq; Bricottos, Glogouitã item

Philoso-  
phi veter-  
res qui,

Scholas  
necessario  
as esse in  
regno.

Academi-  
a Cracou-  
uicn.

Turpes  
praepro-  
res ex A-  
cademia  
pellendi.



illum impurum, vnde mercede publica dediscenda  
 discuntur à tuis, amoueris. Quare publico edicto  
 coge collegas illos viros excellentes, pro hac ista  
 hominum impurissima fece, recipere in Collegiū  
 authores probatos, tam Græcos quam Latinos, vt  
 ex hoc ceu fonte quodam puro & nitido, Huar illa  
 Regia doctrina, quæ sapientes efficiat tibi ciues tu  
 os, regnoq; tuo aptos. Ad eūdem modum scholas  
 ipsas priuatas summo studio refice, illarumq; scho  
 lasticis, non aulicos istos nitentes purpura & bysso,  
 sed homines eruditos præfice; quorum opera iunē  
 tus doctior reddatur, regnoq; tuo paratior. Proin  
 de & in Gymnasijs & in scholis cura, vt opera tua  
 cōstituatur fideles magistri, qui demonstrēt, doce  
 ant, atq; consuefaciant iuuenes talia à teneris pro  
 bare ac agere; quæ bonos, gloriosos, ac felices illos  
 matura iam ætate possent efficere & contra verò his  
 spretis, atq; neglectis, illi idem magistri, summo per  
 suadeant studio, summam turpitudinem, infamiam  
 ac miseriam, iuuenibus esse expectandam. Hac tu  
 vna & eadem opera, & sapiētes subditos tibi effi  
 cies & ipse te mirificè omnibus commédabis. Pu  
 tabimus enim te esse singularem artificem, quoties  
 fuerimus hoc tuum opus contemplati: ostendes e  
 nim nobis in hoc isto opere imaginem mentis tuæ,  
 quod

Scholæ  
 priuatæ.

Magistri  
 quales.



quod perficere nullo modo poteris, nisi prius ipse sapiens fueris; signum enim scientis est, posse docere: docebis autem tu ciues tuos, si curaueris, vbi discant, & à quo discant. Noli putare Auguste ad opinionem sapientiæ aliam viam esse præter eam, quam vides, nempe (repetam enim) vt ipse te ante omnia regas sapienter: deinde, vt cum sapientibus viuas; postremò, vt sapientes subditos tuos efficias. Hæc prima & summa est Regiæ celsitudinis tuæ commendatio. Nunc accipe huic proximam, quæ etiam ex hac ista ortum ducit. Sequitur enim iustitia ipsa, qua virtute efficiendum tibi est, vt tu in hoc regno iustissimus omnium esse videâre. Nam si tu aut æquè sapiens aut æquè iustus fueris vt sum ego; quid intererit inter me & te, hoc est, inter Regem & subditum? nihil opinor. Quare vt præstare hac ista virtutis laude videâre; iustitiam cole, ipsamq; diligenter exerce, nō solum hoc ipso vulgari more, quo de illa rabulæ loquuntur; sed etiam hoc isto singulari atq; Regio, quo virtuti præmium, vitio verò sua redditur pœna. Cùm enim omnis hominum coetus boni alicuius causa conueniat, danda tibi est opera, vt illud ipsum summum bonum, cuius causa hic regni tui coetus conuenit, præmijs ac muneribus tuis excitetur, foueatur, ac in hoc regno abs te fide-

*Signum  
scientis.*

*Commens  
datio Regis.*

*Coetus  
hominum  
cur insti-*

*ter re  
tuti.*



ter retineantur. Est autem illud summum ac postremum bonorum omnium; ut sub tuo iure atque imperio conueniēter legibus atque naturæ omnes in hoc regno viuamus. Hic finis tibi propositus est; ad hunc tu finem omnem cursum regni tui dirigas necesse est; si hunc istum Polonicum coetum, non diuturnum tantum, sed etiam beatum ac felicem facere cogitas. Quod tu sanè hac via assequere, si curaueris, ne in hoc isto Polonico coetu virtus cedat vitio; neue indignis id abs te tribuatur, quod dignis est tribuendum. Quod si quid tu hinc erraueris, dissoluetur hic tui regni coetus, & opinione tua citius dissipabitur. Scuit enim neglecta virtus, furit, ac nimium seditiosa est, relique ipsas communes perire cœpit, cum videt se esse relictam. Neque verò aliam causam seditionum regnorumque ipsorum amittendorum puta asse; quam hanc istam vniuersam distributionem bonorum atque munerum. Recense hoc loco Græcorum atque Latinorum historias, id quod te studiosè facere audio; reperies viros magnos ac excellentes, cum se neglectos esse non ferent, patrias suas funditus euertisse. Iam verò ipsius Tyranni nullum argumentum est aliud, quam hæc ista inæqualitas, siue iniustitia distribuendi. Cum enim Tyrannus sit pestis quædam conflata ex varijs vi-

rijs, con-

*Virtus neglecta.*

*Tyranni signum*



tij, conuersione munerum, ac illorū in improbos collatione; virtutem ipsam infamia quasi inedia quadā extinguit ac delet. Nam vt corpora nostra suo viuūt cibo; sic virtus suo viuūt præmio; quæ, ne qua in libera Repub. extet, omnis Tyrannus curat; apud quem in distribuendis honoribus valent pecuniæ, valent preces, valet compotatio, collusio, scortatio, & illa nutricula Tyrannidis assidua valet adulatio. Ita Tyranni hisce debere se omnia arbitrantur, quos aut vtilitatis aut libidinis suæ norunt esse magistros. Quibus vt tu te dissimilem præstes, in distribuendis honoribus, esto omnium diligentissimus, atq; iustissimus: nihil apud te in petitione valeat pecunia; excœcat enim oculos sapiētum, & subuertit corda iustorum: preces etiam tantum apud te valeant, quantum cuiusq; dignitas ac Reipub. vtilitas postulabit; quæ tantum apud te posse debet, vt boni viri vlrò etiam appetendi sint tibi potius, vt ad Rempub. accedant, quàm vt illam indignis petentibus concedas. Cùm ergo homines ebriosi, effeminati, atq; degeneres abs te aliquos honores petierint, responde illis; honores regni abs te deberi viris veracibus, fortibus, atq; temperantibus, qui & vera dicere, & fortiter agere, & sobriè norunt viuere; quales cùm neq; adulatores,

*Virtutis  
vegetatio*

*Pecunia  
cœca.*

H

neque



Qui hono  
re indig  
ni.

Iustitia  
discrimen  
non agno  
scit perso  
narum.

neq; effeminati, neq; ebrioli sint; dic non honore illos dignos esse, sed poena. Quod cū n feceris, virtus tum in Polonia crescet, algebit vitium, improbitas etiam ipsa desperatione frangetur, atq; infamia: tu etiam ad te amandum, inuitabis hoc modo optimum & præstantissimum quemq; cū te fidelem dispensatorē opum regni viderimus esse, & cū te vti, non abuti copijs publicis hoc isto pacto cognouerimus. Iam illa altera pars iustitiæ, quæ legibus continetur, facilius tibi ad absolendum erit, si priorem illam diligentius tractaueris: hanc enim secundam iustitiæ partem, putare debes in tua Reipub. quasi medicinam quandam esse sanandorum vitiorum regni tui. Debes tu quidem curare, vt sanum semper præstes Reipub. corpus; in hoc enim summa laus, vt medici, ita ipsius Regis est. Sed tamen, si quæ regni tui partes aliquo vitio aliquando laborauerint, illas tu legibus cures æqualiter, idem que facias, quod medici solent, qui incurando non cogitant, sitne diues an pauper, dominus an seruus, ciuis an peregrinus, is quem curant; satis enim illis in medendo est, scire hunc ægrotū esse, hocq; vel illo affectū morbo; nihilq; præterea. Sic tu ad horum modum tolle in iudicando omnem personarum respectum. Interfit sanè aliquid inter hominū

ipforum



ipforum dignitatem, sed inter reorum errata nihil omninò interfit. Quod si quid tu inter hæc interesse volueris, etsi personam in iudicio acceperis; nunquam hanc Rempub. hac ista iniustitia quasi morbo quodam liberabis: quærelæ etiam istæ, in quibus viuis, & quas exaudis, nunquam conticescent, quæ non aliunde sunt ortæ, quàm quod antè hac in iudicio valebat autoritas, valebat cõditio, valebat ipsius personæ respectus: vis etiam sæpè valebat, atq; metus: is in iudicio vincebat, qui aut ipse potens erat, aut aduocatum potentem habebat: ita ex hac inæquali iudicandi ratione, nata est ista intolerabilis quorundam potentia; quæ cùm in iudicio, in compromisso, in sequestro, in arbitrio sola regnaret, ius omne in hoc regno oppressit: pro vno que Rege, multos Reges nobis peperit; qui nostris rebus vtuntur vt volunt, iudicant vt volunt, quibus liberi nõ videmur esse. atq; ita in prouincijs miseris afflictiq; ab his sumus, ac si nullus in Polonia omninò Rex esset vindex maleficij, patronus autem libertatis nostræ communis. Attolle oculos Auguste & vide, excuteq; præfecturas regni tui diligenter, in multis nihil reperies, præter crudelissimum quorundam dominatum, qui cunctas subditorum tuorum res, ad lucrum prædamque suam reuocarunt,

*Multi Reges in reo  
gno*

*quærelæ*



immunitates sustulerunt, libertates opprefferunt, leges violauerunt, calumnias exquisitas iuribus apposuerunt nostris, causidicos contra nos comparauerunt: quorum fraude ac fallacijs inuertent ius, contorserunt leges, falsauerunt acta publica, confingunt pericula, bonis pellunt, regno proscribunt quem volunt, quando volunt, & quomodo volunt. Quid ergo nunc illa minora, non ferenda tamen commemorem? abactiones pecorum, excidium sylvarum, caedes gregum armentorum reliquumque pecoris, quodcumque nacti sunt, rapiuntur coloni nostri, diripiuntur villae, vectigalia verita exiguntur, minae postremo neque raro interponuntur. Ita imago nulla in Polonia ab his relicta est veteris libertatis. Haec tanta atque postrema regni tui mala, sunt orta ex inaequalitate iudiciorum ipsorum. In quibusdam dignitate quidam se tuentur, non innocentia, potentia ista creuit, quae non solum tenuioribus intolerabilis est, sed etiam tibi ipsi, nisi prouides, formidabilis. Quid enim tu contra hos poteris? qui, si non alia re, ipso tamen aduitalitatis iure, non tuas sed suas prouincias esse dicunt, & penè hereditarias, in quibus illi regnant ita, ut Regis ratio in prouincijs prorsus nulla sit: tantum enim iam profecerunt, ut prouinciales homines, consuefacerint or

*Iudicia.*

*Capitaneis.*

omnia



omnia à se, nihil autem à te sperare; sibi omnia, tibi nihil tribuere: se timeri, tui autem nullam rationem haberi. Ita illud dulce Regij præsidij nomen, quod apud maiores nostros summum contra iniuriã fuit, totum sublatum est: exitiale siquidem illud iam est factũ, quod salutare olim fuit. Si quis præfecto rapienti, spoliante, ac postremò intentanti obiciat illud, **SCIET HOC REX, DICAM HOC REGI, CONQVAERAR REGI**, nimium acerba ac funesta hæc mihi redditur vox; conduplicatur enim calamitas: geminantur mala omnia: & nisi procidens veniam pro hac ista voce missa petã; non villa tantum, neq; silua, sed patria ipsa vitæque est mihi deserenda. Tantum nobis obest Regiæ potestatis tuæ appellatio; vt nulla res apud præfectos nobis obfit magis: ita, quod oppressis solatio debuit esse, exitio iam est facta. Quare eò miseriarum iam venimus, vt si in nonnullis prouincijs, quempiam casu requiras, cuius nam sit; paucos reperies, qui se Regiam esse dicat; pro se enim quisq; cerratim respondebit, se huius, vel illius præfecti esse; tuum autem qui se esse dicat, reperies planè neminem. At hæc misera responsio non beneuolentia aliqua, aut beneficio à nobis exprimitur, sed vi ac metu, atq; crudelissimò rerum omnium cruciatu. Quam obrem huius tãtæ



*Libertas  
tantum  
iactata.*

ac tam foedæ postremæq; seruitutis, sit aliquando, vel te Rege Auguste, finis aliquis: satis diu iam miseri fuimus: satis seruiimus: satis omnibus iniurijs oppressi sumus: liceat iam tandem respirare aliquando: liceat tibi soli parêre, ac æqualiter cum omnibus æquo iure viuere; quod tùm fiet, cùm nõ tantum titulum, sed vim quoq; & potestatem tuã Regiam ex æquo omnes in prouincijs fuerimus experti. Quod si feceris, cessabit hic communis luctus: cessabunt quærelæ: cessabunt etiam illa miserorum vota, Turcæ dominatum præoptantium. Compesce igitur hos, qui in iudicijs regnare, ac in comitijs soli omnia posse volunt; quiq; conuentus ipso particulares, nuncios terrarum, iudices, subiudices, notarios, succamerarios, ac commissarios, ad opprimendum nos, ad infirmandas leges, ad euertenda iudicia, ad constabiliendam postremò potentiam suam composuerunt atq; instruxerunt; vt hoc modo soli omnia in hoc regno possint, vtq; tu præ illis quiduis potius, quàm Rex esse videaris. Quod si tu hoc loco à me requiras, quodnam remedium hisce tot incommodis afferre queas; dicam, quod sentio. Regum in Polonia veterum sapientia mihi vehementer probatur, qui certo tempore anni, omnes prouincias huius regni obibant, id quod

*Prouinciæ  
regni  
uisendæ.*

liquet



liquet ex his adhuc, quos officiales terrarum vocamus, quorum nomina retinuimus, rem autē ipsam summo cum detrimento regni amisimus. Sūt enim singulis in prouincijs vt scis, succamerarij primū, præfecti cubiculi Regij, sunt dapiferi mensæ ministri, sunt venatores, sunt etiam iudices ipsi, quasi quidam syndici Regis, prouinciali iudicio præsidētes: quos apparet in singulis prouincijs ideo fuisse olim institutos; vt venienti anniuersario tempore in prouinciam Regi, præstò adessent. Repete Auguste Rex vetus atq; adeò patrium exemplum; nūquam domicilium vitæ certo in loco ponas: versare vbq;: notus fias vbiq;: confer te ad omnes regni tui partes: lustra prouincias: audi quærimonias: puni fontes: oppressos libera: sicq; apud te præfecturæ legitima adimendę aduitalitatis causa, oppressio miserorum atq; calamitatis. Quod cū feceris, solus hoc pacto eris in Polonia Rex: solus tutor & patronus omnium: honoremq; tuum Regiū alijs non dabis, neq; cum vllō subditorum tuorum hoc pacto illū communicabis. Nos etiam ipsi, tum demum desperare desinemus, cū auxilium tuum præsens, quasi numen quoddam nobis adesse senserimus: quæremur enim te præsentē liberè: exoptabimus liberè: contendemus etiam cum præfectis

te disce-



*Amicitiae  
rationem  
iudicis  
non feren-  
dam.*

*Egregiū  
Augusti  
factum.*

te dilceptatore liberè. Nunc verò, quia longissimè à nobis abes, raroq; nos inuisas; prædæ atq; direptioni præfectorum expositi sumus, ac in misera quarelarum tempestate assiduè viuimus. Hoc igitur tu ante omnia facies. Deinde cura, ne quis senatorum causam in senatu agat alicuius, quod is tecum pro rata parte, quodam modo communis sit huius regni iudex. Iam verò indicenda sententiæ, cura, ne quis senatorum dicat illum amicum, hunc verò seruum suum esse. Quid enim potest dici aut fingi indignius, quàm necessitudinem prætexere iniuriæ, aut te communi omnium domino audiente, seruum quempiam subditorum tuorum à quopiam in iudicio tuo appellari? Quare ut hic error tollatur, fac idem in Polonia, quod te aliquando in Lituania fecisse fama est: cum enim in Lituano senatu (ut dicitur) diceret quidam reum quendam necessarium suū esse, ut ne is propterea suo loco rogaretur, sententiā vetuisti. cōmemorabile hoc sanè exemplum est, & ad commendationem tuæ iustitiæ longè omnium maximum; quod ut in Polonia quoque repetas, abs te petimus. Quare te rogamus, atque obsecramus per fidem tuam, per hanc inuisitā dexteram, per tuum iusiurandum, quod ex æquo omnibus abs te datū, quasi pignus quoddam auxi-



Regij nobis est; vt nos hoc pacto spoliatos, euer-  
 sos, ac collapsos erigas, reficias, atq; restituas, no-  
 bisq; afflictis manum hanc tuam tot seculis spera-  
 tam atq; exoptatam, aliquando porrigas, nosq; ex  
 his tãtis malis eximas. Quod si feceris, dabit tibi  
 Deus tanquam alteri Salomoni ad iudicandum cor-  
 sapiens, vt magna iustitiæ opinione ac laude sis a-  
 pud omnes: hoc isto modo præsertim, si ad hanc iu-  
 stitiam ciuilem, diuinam quoq; iustitiam adhibue-  
 ris, quæ pietas in Deum est. De qua dicam breui-  
 ter. Neq; enim speres aliquid te in hoc regno boni  
 posse efficere, nisi habueris oculos mentis tuæ illu-  
 minatos diuino illo lumine, sine quo, vt verè cani-  
 tur, nihil est in homine. quod vt menti tuæ luceat;  
 cura, vt illud lumen semitarum nostrarũ, quod est  
 verbum Dei, purum ac integrũ tradatur, audiatur,  
 atq; in regno tuo exerceatur. quod sanè fieri ne-  
 quit, nisi hoc istud verbum exemeris è terro quo-  
 dam atq; fœdo rerum abusu: in lucemq; è tenebris  
 ac in conspectum regni tui produceris, opera eorũ  
 fidelium hominum, qui possint etiam alios docere:  
 qui cùm lucernæ quædam iltius verbi Dei sint, ca-  
 uebis diligenter, ne cui nebuloni rudi, ac plane ne-  
 poti, mandes sacerdotia, quæ tantò ampliora eiũ,  
 quantò maior in deligēdis ad ea sacerdotibus cura

*Salomon  
 nis sapien-  
 tia.*

*Sacerdos  
 tia perdi-  
 tis negan-  
 da.*

abs te



abs te adhibebitur. Nemini apud te in his adipiscendis suffragetur genus: nemini preces: nulli pecunia: noli pati, ut Episcopatus ipse, sit apud te adulationis præmium, & præbenda assentationis merces: noli audire illas nefarias orantium pro aliquo preces: **HIC TANTVM MAIESTATI TVÆ SERVIVIT, TANTVM SVDAVIT, TANTVM EXPENDIT, DENIQVE TANTVM DAT, TANTVM PROMITTIT.** An tu putas qui hac via ad Ecclesiam Dei obrepunt, posse illos in Ecclesia aliquid boni efficere? Cæci isti sunt, mihi crede, ac crucis Christi inimici, furorq; ac amentia in Ecclesia Dei feruntur præcipites: ex his Hypocrisis nata est, præstigiæ item verbi Dei ac fallaciæ ab his opprimitur Euangelium, ac Christus ipse ex multorum cordibus funditus tollitur. Nec mirum: non enim zelo charitatis fraternæ, non pietatis propagandæ studio impulsi sacerdotes sunt hi facti; sed ut, aut lacunam rei familiaris expleant, aut fratres inopes iuvent, aut ut dominantur, aut omninò ut otiosi sint: nihilq; in omni vita agunt. Quare cum isti questum putant esse pietatem, non tantum non præferunt lumen errantibus, doctrinam imperitis, spem desperatis iitis; sed illam extinguunt, delent, ac radicibus omnem ex animis euellunt hominum: Fur enim

Christo

*Incommoda  
da Eccle.  
sua unde.*



Christo teste, odit lucem, quòd vereatur, ne lumine  
 verbi Dei illato, furta illius coarguantur: idcirco  
 isti vt lateant, inuoluunt se in tegumento ouium ipsi-  
 us simulationis, personamq; sibi sumunt veteris san-  
 ctitatis, cum tamen intrinsecus, nequissimi sunt om-  
 nes lupiq; rapacissimi: qui hoc solum curant, ne  
 plebs verbo Dei admonita, ipsos in ouium veste lu-  
 pos esse agnoscat, illosq; relinquat, quæstumq; huic  
 pecori, quasi pabulum ac glandem adimat. Quod  
 ne fiat, coniurauerunt isti mihi crede, in verbum  
 Dei, atq; in illius veros & legitimos professores:  
 qui, ne in Ecclesia vlli sint, vides, quam illorū iam  
 exarserit furor. Qui, ne tantum possint, quantum  
 velle videantur; suscipies tu causam pro tuarata  
 parte ipsius Ecclesiæ: ad exemplumq; Ezechie Re-  
 gis confringes hunc istum æneum serpentem, hoc  
 est, quæstuosam quorundam religionem: per pro-  
 uincias etiam Episcopos institues, non oblandito,  
 neq; ementito, sed legitimo atq; pio suffragio, qui-  
 bus adiunges eadem censura Canonicos, non hos  
 rogatos, aut palliatos aulicos, sed illos, quos cogno-  
 ueris omnium iudicio esse probatos. Quod si fece-  
 ris, liberabis regnū tuū, religionum nouarum me-  
 tu: nullas hæreses metues, ac nullam ipsius religio-  
 nis conuersionem pertimesces; nihil enim est san-

*Abusus.**Ezechie  
3. lvs.*



*Viri sa-  
cerdotes*

Atius vero Sacerdote, nihil amabilius, nihil etiã ad imitandum vulgò propositum magis; quales cum nacta fuerit plebs, ad illorum præscriptum viuet, pacemq; ac tranquillitatem tuebitur. Tales ergo vt sacerdotes regnum tuum habeat; maxima parte in te est situm, quos tu ipse in summa veneratione habebis. Inprimis autem Episcopos ipsos, quos vicarios Christi, & patres regni tui, ac clauigeros æternæ vitæ existimare debes, tantæq; dignitatis atq; præstantiæ; vt tua Regia dignitas, cum Episcoporum maiestate, nulla ex parte sit cõferenda: quod si est, vt certè est, sũmo studio curabis, ne qua in re hũc istum sacerdotalem ordinem offendas, neue illum conturbes. Et quoniam me tibi fidelem subditum esse semel sum professus, addam etiam illud, teq; liberius, clementia confusus tua, hoc in loco admonebo: nempe vt illam abominationem, quã Regum pestis assentatio in Poloniã introduxit, tollas quàm primum de medio, quæ illa summa est, ac detestanda: Cùm Episcopus vestibus sacris indutus, ac illa redimitus infula, tum etiam sacrificans, ac Christũ dominum ad aram representans, tibi venerabundus procidit ad pedes cũ turribulo, cruce, ac libro Evangelico; quomodo hanc tam horribilem faciem huius tantæ venerationis sustinere potes ò Rex?

*Episcopo  
sacrifico  
cantes.*

Pilatum



Pilatu me te an Herodem impium vis existimari,  
 illo horreado Christi Dei tui obsequio? cur autem  
 tu vice hac conuersa, non eum honorem potius ha-  
 bes Episcopis? præsertim cum subiectus illis sis, e-  
 umq; honorem Episcopo debeas; nonnulla tua cum  
 venia, tanquam subiectus præposito, filius patri, ho-  
 mo autem Deo Christo & domino tuo, quem totum  
 Episcopus sacrificans exprimit illis vestibus, illis in-  
 fulis, deniq; illa totius sacrificij actione. At non pa-  
 titur, inquires, Maiestas mea, vt me ita submittam.  
 Multò minus illorum fert Auguste Rex, si veritatē  
 ad rationem reuoces. At ferunt, inquires, hoc Epi-  
 scopi. Ferunt Augutte, fateor, & magno quidem  
 cum suo & Ecclesiæ dedecore ferunt; quia id quod  
 sunt, se esse aut nesciunt, aut non sentiunt: molesti  
 etiam tibi quidam illorum esse nolunt; ne quid for-  
 tē, aut de spe, aut de ambitione apud te perdant.  
 Ioannes quidam Lubrantius, cuius multa dicta atq;  
 facta in Polonia feruntur, quendam Episcopum pa-  
 lam reprehendisse dicitur, cum is Episcoporum  
 primus in Polonia, hoc isto nouo more ad pedes pa-  
 tri tuo prociderit cum turribulo sacrificans. Hic  
 tum Lubrantius, vt erat concitator, indignā, ait,  
 rem in Poloniā inducis Episcopo. Tibi quidem, in-  
 quit ille, ita credo videri, quod Posnaniē. Episco-



*Caroli V.  
exemplū.*

pus iam sis. At ego ne diutius Præmissiæ. sim, hac ista noua via hodie efficiam. Ita Episcopus ille, qua via Præmissia exiuit, eadem nouum hoc uenerationis dedecus in Poloniam introduxit. cuius exemplum causa peccandi tibi non debet esse: maiusq; pondus apud te habeat prisca illa veterum pontificum authoritas, quàm ista huius Episcopi noua. Imitare hac in re Carolom Quintum, Cæsarem, diuinum hominem, qui in pontificis Ramani sacrificio minister summa ueneratione lapsè fuit: porro tu in tuo regno idem es, quod Cæsar in suo imperio: Episcopus uerò in Polonia, idè est, quod Pontifex Romæ. Quare si Pontifex ipse nunquam Cæsarem illo modo ueneratur, nec Episcopus quoq; te Regem debet uenerari; paria enim hæc sunt, vnus & eiusdem ordinis; ut quantò Cæsar à Pontifice superetur, tãtò quoq; tu ab Episcopo superare: & quod Cæsar Romæ tribuit Pontifici, hoc idè tu in Polonia tribuere debes Antistiti: & quod Pontifex non debet Cæsari, nec tibi Antistes debet Regi. quo sane argumento honestè, ac piè, hanc idolomaniam, repudiabis abs te: quotiesq; sacro interfueris, semper autem interesse debebis, toties te non Regem, sed priuatum hominem, eumq; peccatorem adesse illi sacro existimare debes. Et aut parè cæteris qui

aderunt,



aderunt, aut etiam multis, immò verò omnibus inferiore, ut ille diuinus honor ab Episcopo tibi homini peccatori non debeat exhiberi: sacro verò peracto, cùm ad tuum opus Regium redieris; tùm lanè Rex esto: sume gladium, quem tibi Deus dedit ad vindictam malorum, laudem autem honorum. In Ecclesia verò nihil minus esto quàm Rex, Episcoporum quodammodo ibi regnum est; tu autè non sacerdotum sed Reipublice ipsius Rex esto: quam Reipublicam cùm sapienter, iustè pieq; domi administraueris, eam quoq; ut tutam foris praestes, curabis: desque operam, ne nos poeniteat infirmitati diffisos nostrae adiumenta fortitudinis tuae quassasse. Cùm enim vndiq; hostibus circumsepti essemus, ut ab his tuti simus, te custodem atq; ducem requisimus; ut te agente & vigilante solo pro omnibus, salui essemus cum liberis, coniugibus, fortunisque nostris possemus. Quare, sis tu sapiens Rex, sis iustus, etiam licet; tamen si te imbellem esse cognouerimus, nihil habentem neruorum ac virium; nihil tibi proderint apud nos cetera, quantumvis ea in te fuerint magna & preclara. Hæc enim ista, de qua loquor, fortitudo propriè virtus dicitur, quod sola plane viros efficiat: qui qui Reges carent, imbelles, atq; effeminati dicuntur, abiectiq; & qui ex contumelia

*Regis imperiam vbi.*

*Respub. foris tua reddenda.*



*Sardanapalus.*

nomē traxerūt, Sardanapali vocitātur. Fuisse enim ferunt Sardanapalū Phrygem perditæ nequitia Regem: quē cū miles Assyrius quidam inter foeminas nentē deprehendisset, illū interemit; indignū ratus, Assyrios viros fortes subijci foemine. & meritō quidē: nam qui regnare vult, opus illi est ante omnia, animo magno atq; excelso, qui hæc humana inferiora ducat esse dignitate sua Regia: qui in honesta non solum hæc summa, sed etiam ista minima magnopere fugiat, honesta contra appetat, ac illa etiam morte, si opus sit emat: dignitati seruiat: emolumenta publica cūret: ac regnū vita propria charius habeat. Hoc animo conuenit esse Reges; hoc qui carent, Sardanapali sunt, hoc est, miseri atque contempti Reges: qualis Miesco in Polonia olim fuisse memoratur. qui cum à patre Boleslao Chabri clarissimo ac fortissimo viro regnum Poloniæ opulentissimum copiosissimūq; accepisset, illud Richsæ vxoris libidine inertiaq; sua dissipauit. Qui vt cōtemptus in Polonia vixit, ita etiam infamis ob nequitiam obiit. Prætereo Ludouicos, taceo multos alios, qui præter ipsum nomen Regium, nihil habebant Rege dignū: nec propter aliud, nisi quod & animo deficiebantur, & studio ad regnandum apto. quorum casus & infamia te admoneat, vt ijs spectis

*Miesco  
ignauus.*

113108

tibi



tibi ad imitandum proponas Boleslaos illos veteres, Vladislaos itē, atq; Casimiros auos tuos, & imprimis Sigismundum patrem tuum, qui in Polonia optimi Reges ac fortissimi viri fuerunt, ad quorum exemplum adolescentiam tuā exerce. Et vt illam ex otio in negotium regni tui transferas; laudem & gloriam tibi proponas: ad quam, infamia aliorum te exhortetur viuas in labore: tibiq; assiduē versare, vbi metus adest aliquis, qui tibi somnum adimat, qui te excitet ac vexet quotidie, tibiq; molestus semper sit; vt is tuo secum conuictu, voluptatē venenum adolescentiæ tuæ abs te pellat, teq; doceat, quomodo oportet, & vbi oportet, & cum quibus oportet Regem viuere. Hoc eodem monitore atq; magistro, animus ipse tuus erigetur, in omnesq; partes tanquam arcus intēdetur, vt acrius sentiat, celerius occurrat, venientiaq; mala paratius excipiat. Hic idē te laudis cupidum, prouidum, ac animosum spe bona imbuat, neque de salutē regni in periculis vnquam te desperare sinat; omnia enim in metu experiri videbis, vt nihil eorum omniū quæ obsint, quæuē tibi prosint ignores. qua ex re nascetur tibi, domi fides, foris verò summa authoritas: putabunt enim tui hostes, rem sibi esse cum viro strenuo, perito, animoso, atq; spe optima pleno, nō

*Exempla  
regum bo-  
norum.*



*Virtus  
Regis hoc  
si formis  
dabilis.*

cum ignauo, imperito, degenero atq; stolido. Quæ opinio nō minus tibi apud omnes proderit, quàm profunt arma tormētaq; bellica. noli enim putare, hostem alia re vlla animosum magis in pugna reddi, quàm opinione speratæ victoriæ, quæ tota ducitur ex aduersarij aut indignitate, aut infirmitate. Quis enim vigilans se non putat vincere posse dormientem? aut quis sobrius ebrium? prouidus negligentem? deniq; paratus imparatum, se non putat opprimere? Instat enim audens virtus vitio, ibique illa exultat magis, vbi vitium plus videt valere. Quare vt in te omnia, quæ ad fortitudinis opinionem attinent non solū excellat, sed etiam alijs excellere videantur; confer iam te nunc, ad eas regni partes, quæ magis hostem metuunt. Imprimis autem in Rursiam ipsam abi, quæ multis hostibus, ijsq; asiduis est exposita: obi hanc prouinciam, Auguste: recognosce illius munitiones: infirma illius cōsidera: præsidijs etiam firmis muni: fac nobis fidem, te eum Regem fore, qui Scythas, Valachos, atque Turcas poteris ab ea prouincia prohibere. Hoc ede specimen iam nunc Auguste Rex, nosque non Vilnæ, neque Cracouiæ, sed in Rursia doce, quantum confidere de tua virtute debeamus. Sint ille vrbes receptacula sacerdotum & mercatorum,

*Rursia.*

non



non virtutis neque militiæ tuæ. Otius ergo hinc in  
 Russiam confer te: viri fortes comitabuntur te: ga  
 leæ, non infames illæ Mascharæ, te sequentur: deni  
 que milites ac Equites illi Poloni ( non hystriones  
 neq; mimi) tecum in Russia viuent: quorū fremi  
 tū cūm ex Camenetio, aut Bratislauio, aut Kiouio  
 vicina exaudierit Scythia, Valachia item atq; Tur  
 cia, dicet perculsa metu: Hui, tam citò! Rex nouus  
 hîc certè adest: certè vigilat; ac malum machinatur  
 nobis. Quod si tu alias res ages, horeisq; puel  
 larum Vilnæ, aut mascharis Cracouiæ occupatus  
 fueris; & tuis risui, & hostibus contemptui eris: va  
 stabunt, incendunt, prædas agent impunè: tum eti  
 am, vt hominum genus est dicax, ac contumelio  
 sum Scythæ, repetent sæpius i lud insultando, Diet  
 ko, Korol nesperdit. Quod ne fiat, intermissis omni  
 bus rebus in Russiam abi quamprimùm: idem que  
 facias, quod in noua villa boni patressfamiliâs faci  
 unt; qui mox vt sunt nacti, obeunt villâ, singula in  
 ea inspiciunt, cum villico deliberant, hocq; & illud  
 opus exercendum parant. Idem & tu facies, vt se  
 pulito mox patre, comitijs etiam absolutis regnum  
 obeas: periculosiores illius partes inspicias: centu  
 riones recognoscas: exercitus lustres: prælidia col  
 loces: totumque opus belli diligenter pertractes.

*Strenuus  
 Rex hoste  
 terret.*

*O pueri  
 Rex iste  
 extorsit  
 ignauus.*

*Exerci  
 tus lu  
 brandus.*



Quod si feceris, dici non potest, quàm amabilis tu is, quàm verò formidabilis hostibus, hoc isto modo fueris: Cyrus alter, atq; Agesilaus, ac ipse Alexander Macedo, omnibus tam domi quàm foris esse videbère. Atqui ego prolixius, quàm instituerã, hæc ad te ideo scribo, quod te in Lituaniã rediturum mox comitijs absolutis, rumor est. Quod ne facias, te per dignitatem tuã Regiam, quæ tibi esse charissimã debet, oro obtestorq;. Nam si tam citò ac vix salutatus Rex à nobis Vilmã redieris, pessimè (pace tua dicam) existimationi tuæ apud omnes consules: dicemus, euntemq; talibus vocibus persequemur: O Cyre noster, tam ne citò hinc? cur vitas osculos? cur fugis lucẽ? aut illud: Hoc est Regem esse? aut, hic si sciret, quid sit Rex, in Lituaniã ne iam rediret. Quod ne accidat, acquiesce nũc precibus meis, & abiectò Vilnæ desiderio, mox te ostende in armis, Russisq; te ad videndum & pertractandum præbe. Hostes etiam tuos perterrefacias aduentu subito in Russiam tuos; ita vt omnis illa lues Asiatica, sciat te vigilansem Regem nobis datum esse, ac regni huius fidem custodem. Verùm hæc nos frustra te monemus, ac præscribimus tibi omnia, nisi tu habueris domitas cupiditates tuas; quæ cum inualuerint, omne sensũ humanitatis virtutisq; è no-

*Rufforum  
quærela.*

bis tol-



bis tollunt. Quemadmodum enim quidam morbo aliquo, & sensus stupore, suauitatem cibi non sentiant; sic cupiditas libidinosa atque præceps, stupida adolescentiam reddit, iniustam atq; mollem; occludit illi oculos, ne perniciem suam videat: aures etiam illi obturat, ne verba salutaria audiat: solius veneris contactu illi inculcat; ad cuius usum, cuncta visa, audita, odorata, ac gustata vertit; qua ut liberius perfruatur, iuuenilis ætas, pudorem illi antè omnia soluit, cum quo virtus vna perit, omnisq; rerum honestarum cura, cuius rei illud triste quidem exemplum, sed ad cauendum apprimè Regibus utile à Poëta describitur hisce versibus:

Non ceptæ assurgunt turres, non arma iuuentus  
 Exercet, portusue aut propugnacula bello  
 Tuta parant, pendent opera interrupta minæq;  
 Murorum ingentes, & quataque machina cælo.

Vides ut Dido illa infelix, nouam cui condere Iupiter urbem dederat, libidine quasi peste correpta quadam, omnia negotia Reipub. intermiserit. Sic illi extorserat libido è manibus totum opus regni: torporem verò, atq; rerum neglectum ingesserat. Fugit enim laborem libido, corporique parcens, soli Veneri illud seruat illibatum. Et cum to-

*Libido Regi fugiens ad.*

*Virgilio*



tum hominem libido occuparit, ita illum miserum facit, vt illum alieno corpori, tanquam Prometheum Caucaſo affixum reddat, vt non amplius iuris ſit ſui: facitq; vt in alieno corpore viuat, ab illo circumagatur, hucq; atq; illuc miſerandum in modũ circumferatur. Illam enim quam amat, vt idẽ bonus canit Poëta,

*Absens absentem auditque videtque.*

*Amantes  
miseri.*

Ita omnis libidinoſi animus miſer eſt, vt alienum ſemper intueatur corpus, negligat verò ſuum, ſeq; ipſum indigniſſimè profundat: nihil magni, neque quod homine ſit dignum, homo libidini additus, cogitat: non dignitatis illi cura eſt, nõ publicæ utilitatis: immerſuſq; in hoc cœno, aſper ſibi ipſi eſt, inhumanus, ſæuusq; ad euntibus, qui alieno arbitrio viuens, vt ſuauius inſaniam, adhibet conuiuũ, potat, nudus ſultat: & vt omnem faciem deponat honeſtatis, incedit maſcharatus. At qui hæc ſunt incunabula Neroniana Auguſte Rex: ab his ille initijs profectus, ad euertendum imperium Romanũ acceſſerat. Cũ enim media in libidine ipſius arderet furor, vinumq; quaſi oleum furori ille ſuppeditarer, quod flagitium ille in ſe nõ admiſit? quo ſcelere Romam non confeſcit? quos homines non occidit? leges non euertit? quam pudicitiam, quam

religionẽ



religionem ex vrbe non eiecit? At illud monstrum conflatum erat ex libidine, quæ temulentiam peperit, hæc verò iracundiam. ita Nero cùm in humana forina quasi tres quædam immanes beluas gesseret, nempe libidinem, temulentiam atq; furorem; quem illius hominis motum, quam agitationem, quos ad maleficium impetus fuisse censes? propone tibi animo: si quis in cutem humanam insueret hæc tria effera animalia simul, Aprum, Ursam, & Leonem, quæ species quæso illius cutis esset? quæ agitatio? næ tu mallestalem cutim, cùm iactationem ipsius ac rugitû horribilem videres, coelo potius quàm ex aliquo loco vicino aspicere. Cuiusmodi cùm Nero esset, Romanum quidem deuorauit imperium, sed tamen postea ipse se vltus est: ipse enim se postea interemit, serasq; licet, debitas tamè pœnas Reipub. persoluit. Hunc exitum habuit illius libido, quæ incitata violentia ac furore incensa, post crudelem matris cædem, in tartara præceps abiit. Ergo huius exemplo tu cautius viues, memorq; sis, nullum Regem malum esse natura, sed consuetudine effici. Qui enim Rex se cupiditate primùm obstrinxit praua, deinde potat assiduè, postea autem furit, vt hodie ita & cras; certò certius scito, hunc Tyrannum fore nequissimùm, Neronique similimum.

*Nero qualis.*



milimum. Proinde in hac tua iuuenili ætate, præcepto Diui Pauli, fuge libidinem; vt hac liberatus, facilius temperatè, mansuetèq; viuas: in eòq; plus ætate, virtus tua, Regiaq; dignitas apud te possit. Quo autem alio cupiditatem libidinemq; ineuntis ætatis tuæ coërceas, quàm eo, quod præcepit Apostolica vox: Vnusquisq; inquiring, propter fornicationem habeat vxorem suam. Vxorem ergo ducas, quæ ferocem adolescentiam tuam, suaq; sponte in libidinem procliuem, in officio contineat. Vxor ergo ipsa sit modus atq; finis eius cupiditatis, quam natura tibi ad procreandum largita est: sine qua, vxore inquam, adolescentum vita, soluta, vaga, incerta, impudica, infamisq; est. Quare cum absque vxore te continenter, sobriè, ac mansuetè viuere non posse cernas; summa cura hanc tibi confestim deliges, cum qua ætatem benè ac pudicè exigas. Et quoniam tu duas personas sustines; alteram priuati hominis, alteram Regis; meminisse debes in ducenda vxore, te hæc duo spectare oportere. Primum est, vt tibi ducas vxorem, cum qua tu cubes: Secundum est, vt habeas Reginam, cum qua nobis regnes. quòd si ex matrimonio tuo alterum horum defuerit; imperfectum illud erit, minimeq; probabile. noli enim putare, eandem esse rationem nubendi

*Remedia  
um libidi  
nis vxor.*

*Vxor Re  
gia quæ  
lis.*

di Re.



di Regum ipsorum, quæ est priuatorum hominû: homo enim priuatus ipse sibi ducit vxorem, in eoq; tam bonum quàm malû illius solius est qui duxit: nullius præterea alterius; sat tamen benè duxit, si honestam morieramq; duxit. At Regum alia ratio est: neq; enim est curandum tantùm Regi, vt vxorem bene moratam morigeramq; ducat; sed vt ea quoq; commodo emolumentoq; sit regno. quæ regnum copijs ditet: noua societate iuuet: pacè populis conciliet: ac dignitatem, authoritatè, & maiestatem regno adferat. quæ non tantùm vxor, sed consors, non thori solû, sed etiã regni tui sit. Quã etiam ob rem, vt sociã regni vxor Regis videatur esse atq; particeps, Reginae vetusto more ad instar Regum ipsorum vnguntur, coronantur, ac Reginae Dei gratia appellantur, atq; ita salutantur. dotèsq; ipsarum certis in possessionibus ipsius regni assignantur. Talem tu vxorem Ferdinandi Romanorum Regis filiam Auguste duxeras, quæ incredibiles felicitates huic regno videbatur attulisse: famam primò egregiam, morum atq; pudicitia: deinde totius ferè Europæ societatem, ac foedus cum Carolo Cæsare, & Ferdinando Rege: pacem item cum Germaniæ principibus: summã postremò beneuolentiam multorû hominum. Quæ quoniam fa-

*Commoda  
coniugii  
Regii.*



to nobis aduerso nuper extincta est, huic tu similem queras quamprimùm, quæ eadem bona tibi regnoq; tuo afferat, quæ illa attulerat. In eoq; sanè esto diligens. Si enim tu in despondenda tibi vxore rationem tui tantùm habueris, non autem etiam nostri; quanta Rempub. mala sequentur, vide. Primò, illa nobis erit inuisa ingrataq;. Deinde te ipsũ odiosũ exosumq; nobis reddet. Dolebimus enim te rationes tuas priuatas potiores duxisse commodis nostris publicis. Tum si quod bellum finitimũ, aut si quæ vis externa nobis fuerit molesta; tuum matrimonium accusabimus: de te ipso quaeremus, ac dicemus potuit hoc bellũ non accidisse nobis: potuit pax in rer nos & finitimos nostros constare, si Cæsaris filiam, aut Ferdinandi, aut illius, aut istius præpotentis Regis, Rex noster vxorẽ duxisset: nunc verò, cùm is desertam ab amicis duxerit, solisumus relictĩ. in medio vndiq; angustia sũt nobis: ab Aquilone Moschouia nos premit: ab Oriate Scythia atq; Valachia: à Meridie Turca ex Vngaria: ab Occidente verò Germania etiam nobis est infesta. nusquam auxilij restat spes: vndiq; nos metus ambit & formidat: actũ est: perimus vnus adulescẽtis culpa. Tum etiã in aurẽ fidelem alter alteri illud insulurrabimus: Quid? hocnẽ nos feremus?

Hofes  
Poloniz.



vt vnus hominis causa tantum regnum pereat? tot  
gentes atq; nationes perditum eant? tamq̃ue vetus  
atq; potens Respub. pereat vnus adolescentis libi-  
dine? Tales voces erunt in ore nobis, & alię multę  
consimiles, quans nunc animus meminisse horret;  
difficile enim est non dicere, cūm doleas. Quod, ne  
accidat, diligēter providebis; senatūq; tui iudicio,  
vxorem tibi deliges, & tuo cubili, & hoc illustri re-  
gno dignam: in eoq; imitabere auum tuum Casi-  
mirum, patrem tuū item Sigismundum, qui ductis  
vxoribus, regnum hoc stabilierunt. Duxerat enim  
auus tuus vxorem filiam Alberti Archiducis Au-  
striae, qui idem Rex Romanorum fuit; pater autem  
tuus matrem tuam clarissimā & nobilissimam foe-  
minam, ex veteri Regum Neapolitanorum familia,  
in matrimonio habuerat. hos sequere potius, quā  
Vladislai proauis tui factum deuium, qui magna in-  
uidia ac summa obiectatione vxorem e suo regno  
Granouiskam viduam duxerat; probam quidem il-  
lam & honestam, sed vxorem tamen priuato alicui  
homini aptiorem quā Regi; quę tamen ipsa duos  
bus annis non plus cum Rege viuens, cum publica  
totius regni gratulatione, non vnctā, neq; corona-  
ta, neq; Regina appellata, defuncta fuit. Tantū o-  
diū patrum nostrorū in illas nuptias fuit. In cuius

*Exempla.*



defunctæ locum, Vladislaus proauiam tuam duxerat Zophiam Russiæ ducem. Sume tibi ad imitandum ex proauo tuo, quod honestum Regiumq; in illo fuit: quod verò inhonestum, ac turpe in eo videris; id fuge ipse, atq; repudies, & ne repetas vetera. proxima ista exempla patris & aui tui proponetibi; hos tu sequere: hos imitare: ad illorūq; exemplum duc vxorem Maiestate tua dignam; quæ hisce perturbatissimis temporibus iuuet regnū tuum nouis societatibus atq; amicitijs: pace item ac fœderibus illud muniat: & in illo quietem, otium, ac tranquillitatem constituat; vt tu summa hominum beneuolentia, honestissimè, ac sine vlla obtre&atione, in Polonia cum illa regnes; vtq; cum vxore sociæ tuæ adolescentiæ, ac consorte thori tui, diu viuas, fausto feliciq; omine; vt nos ex tuo sacrosancto thoro habeamus duces, principes, atq; Reges, indubitatosq; regni tui hæredes. Talem vxorem cum nactus fueris, tota Polonia venienti se illi obuiam effundet: aduentum gratulabitur: occurremus illi cum canticis & choris, læto præane, nouā sponsam tuam, Reginam autem nostrā consalutantes; quam introducemus in thalamum matris tuæ clarissimæ atq; castissimæ foeminae, veluti sanctam quandam atq; pudicam Rebeceam in tabernaculum Saræ vt

tu cum



tu cum illa lætère Dijs hominibusque approbanti-  
 bus; utque ex ea videas filios certos filiorum tuorum,  
 & pacem super Israel. hoc & te facere, & nos opta-  
 repar est. His tu præceptis Auguste Rex atque ad-  
 monitis, temeritatem adolescentiæ vinces: & cum  
 illi hæc ista fræna temperantiæ continentiaque iniecer-  
 ris; faciliorem animum ad res magnas gerendas ha-  
 bebis, qui ibi minimè valet, ubi libido totum occu-  
 pat. Quæ si nusquam apud te valuerit, facilè nos do-  
 cebis, ab excellenti eximiaque tua virtute, progres-  
 sum ætatis expectari non oportere. Ages ergo in re-  
 gno viri fortis operat quodque ætas negavit, id sup-  
 plebit virtus tibi. Multorumque exemplis tibi ad id  
 persuade, qui admodum adolescentes, tantas res  
 gesserunt, ut suum imperium auxerint, nomen or-  
 narint. Et ne infinita persequar: Vnus Alexander  
 Macedo tibi satis exempli ad res magnas sit, qui ab  
 in eunte ætate, res maximas gerens, trigesimo ter-  
 tio anno, mortem obiit: deuiasiam Græcis: domitis  
 Persis: ac tota Asia subacta, ex quo iudicari potest  
 virtutem Regum in rebus gerendis plus posse, quam  
 ætatem. Verum ad id, in quo fuit Alexander, iisdem  
 tu eas itineribus: fuit enim ille summa temperantia  
 libidinum adolescens, summaque laborum toleran-  
 tia: atque sub dio exercitationem sibi comparauerat:

*Alexander  
 continencia.*



nunquam siccus coenauit; nunquam nisi sudans accubuit; nunquam nisi siciens à coena surrexit; raro sub tecto, sæpè autè sub dio cubauit; lectulo libero, eoq: militari utebatur; ita, vt ante Babiloniam captam, mulier quid esset, nesciret. ita ille, cum & nocturno & diurno tempore militans uiueret, formidabilis hostibus, charus autè suis fuit. Nam cum in re militari hæc duo summa sint, obedientia & perseverantia; non alio duci fidere milites illi magis, neq; durare, quàm Alexandro poterant; nec iniuria; videbant enim simul sudantem, algentem, ac laborantem Regem; commune gaudium illis fuit cum Rege, aliquo bono parto; communis vicissim dolor illo amisso. Tum verò si quid aduersi accidebat; videbant primùm adesse, vltimum verò abesse in periculo Alexandrum: vigilare: plus metueret in metu prospiceret res difficiles cõsilio gerere; integritate tueri, virtute verò conficere; vt meritò milites & obedire, & in eo ipso spem habere maximam vellent. Iam verò, quis hoc duce in bellis illis, quæ is gessit, acrimus non perseverasset? si enim bellum aestate gerebatur, plus in sole arsit; si in hyeme, plus niue asit quàm postremi militum, in laboribus item militaribus, in vigilijs, in fame, in siti, vt in exercitu, sic in his quoq; princeps Alexander fuit.

Quod



Quod tum vel imprimis apparuit, cū per deserta Syriae, aridaq; loca, agmen duceret siti perditū. & cū illi proficiscenti vtro quidam haultum aquae frigidae offerret; ille praese militibus siti iam enectis illud obtulit, reclamante exercitu: **Viuas vero**, inquit, modo ipse Alexander: nō deerit tibi hic exercitus: quod si tu nobis peribis; exercitus hic vnā interibit. Tanta erat perseverantia militū illorum, vt foedam mortem non recusarent, modō ab Alexandro viuo non discederent. At haec tanta militū perseverantia, nō aliō, vt vides fuit parta, quā labore ducis; vt mirum iam non sit, Asiam ipsam huic tam excellenti virtuti succubuisse. Contrarijs enim rebus, Alexander aluit virtutem domi & victoriam quaesuit foris. Vicit enim Persas opulentos, inopia; Graecos luxuriosos, cōtinentia: Indos desides, vigilātia; Caucasum denique ipsum, deicit siti, labore, atq; inedia. Sic ille obedientia, perseverantiaq; militum, cū imperium vtroq; Oceano terminasset; nō solū victor orbis terrarum fuit, sed etiam exemplum victoriosi Regibus est factus: quem ego tibi ideo descriptum propono, vt illius exemplo atas te ab his quae magna concupueris, non deterreat: ex hoc enim Rege, disces regna atque bella à Regibus, animi viribus magis quā

*Victoriae  
Alexandri ratio.*



quàm corporis administrari. Tu modò ad exemplum Alexandri, subduc corpus tuum libidini, illud que vt iam dixi in Rufsiam transfer, vbi algeas, esurias, ac sitias, ac vbi nō videas formas venustas, nō audias cantilenas, non odores vnguenta, non gustes delicata, non tangas impudica; sed ea quæ viri fortis & robusti Regis sunt, assiduè illic videas, tractes, ac in his sis. Ibi tu milites hilares ac tui amantes facies; corpora illorum exercebis, animos parabis onus belli ferre, ac tibi obedire, tecūq; durare velle consuefacies. Hostes etiam tui, cū audierint te hac ista continentia atque militia laude florere, abstinebunt à tuo, atq; item nostro; tuumq; nomē plus quàm arma metuent; vt ita gloriosus Rex in Polonia regnes, fama q; vsque ad sydera notus fias. tu modò sensum huius gloria iam nunc fideliter degustes. Ad eamq; hac ista via sapientia, iustitia, fortitudinis, atq; continentia contendas, quā tibi hoc in scripto fideliter proposui. Noli quærere purpura aut bysso laudem apud homines, non inutilem potentiam, non inuidiosas opes, non cupiditatem dominandi præcipitem, & lubricam, anteferas veræ, graui, solidæq; gloria; quæ illa sit summa apud te ac postrema, vt Poloni natum te sibi atq; datum esse Regem gaudeant, vtq; te charum habeant sa-

*Quibus  
rationi-  
bus Rex  
laudem  
quærat.*

lutarem que




lutaremq; Reipub. esse arbitrentur. Cum hac gloria tu nihil comparandum putes: hanc omnibus opibus tuis præfer, vitaq; ipsa tueare: quam etiam vt consequaris, omnem vim ingenij, quæ sūma est in te, in hac ista meditatione consumes.

Scriptam etiam hoc meum benignè suscipies, illudq; leges: nec verò requiras ipsius scriptoris nomen, sat tibi sit fidelè subditum tibi tuum esse, qui hæc ad te miserit. quòd si tu talibus scriptis lætare, suppeditabit fortasse fides erga te nostra, si non maiora, vberiora certè quidem quàm hæc sunt: quæ ad te deinceps mittemus: tu interea benè vale, felixq; nobis regna.

*Conclusio  
operis.*


F I N I S.













1. 1. 1. 1. 1.



1850-7

7552  

---

2



